

LEHUTO LA BORARO



Mantšiboa a mabotse, bagwera. A re emeng bjale nakwana feela bakeng sa thapelo. Re inamiša dihlogo tša rena.

² Tate wa rena wa Legodimong, bjalo ka ge re ekwa seo—seo sefela se se botse, re—re a nagana, Morena, go . . . gore O kgauswi. Gomme re a rapela gore O tla re amogela bošegong bjo, Morena, bjalo ka bana ba Gago, go lebalela dibe tšohle tša rena le dikarogo, le go re fa tša ditshegofatšo tša Gago, bjalo ka ge re le batho ba go hloka.

³ Gomme ka go iri ye kgolo ye yeo bjale re phelago ka go yona, gomme re a bona, ngwaga ka ngwaga, go ba leswiswi kudu le go fifala kudu, go lefase. Gomme go Tla ga Morena go ba go kganya kudu le go kganya kudu, bjalo ka ge A ikutolla Yenamong ka go . . . ka go Lentšu la Gagwe le ka go ponagalo ya Gagwe. Re tlile gape, bošegong bjo, Morena, go leka, ka kopano ye, le go rapela Wena go re bulela, Morena, Lehuto le la Boraro la Puku ye, gore go tsebje go rena, gore re tla tseba se re ka se dirago le mokgwa wa go phela, le mokgwa wa go ba Bakriste ba bakaonana.

⁴ Ke a rapela, Modimo, gore O tla dira yo mongwe le yo mongwe a sego Mokriste ka mo, bošegong bjo, go lemoga tlhoko ya bona go Wena. E fe. Gomme ke—ke a rapela, Tate wa Magodimong, gore Mokriste yo mongwe le yo mongwe a tswetšwego gape o tla lemoga gore o swanetše go phela kgauswana go feta a dirile mo go fetilego, gore bohle re be ka go kopano yela ya lerato le tumelo ya Bokriste.

⁵ Efa gore motho yo mongwe le yo mongwe a babjago magareng ga rena o tla fodišwa bošegong bjo, Morena. Ba lemoga tlhoko ya bona ya Gago. Gomme ke a rapela, Tate, gore O tla šegofatša se sengwe le se sengwe seo se dirilwego goba se boletšwego, go tlhomphe le letago la Gago, Ka go la Jesu Leina re a e kgopela. Amene.

⁶ Gabotse, gape, bošegong bjo, re kgobokane mmogo gape bakeng sa se, ka—ka Laboraro bošego bja beke. Gomme re tshepha Morena, bošegong bjo, bakeng sa—sa go tšhollwa ntle mo go golo ga ditshegofatšo tša Gagwe godimo ga Lentšu la Gagwe. Gomme lehono ke be ke ithuta, bjalo ka mehleng, le go leka go nagana ka dilo tše di tla bago maleba kudu go di bolela, le selo, mokgwa wa se bolela, gomme ka gona ke itshamile ka Morena go mpha tlhathollo le ditlhalošo tša—tša Lentšu le le ngwadilwego. Gomme ke Mo thabetše se A re diretšego go kgabola beke, gore re . . . go bulwa ga Mahuto a.

⁷ Gomme, nna, mohlomongwe e tla ba selo se sebotse ge Lamorena mosong, ka . . . Le a tseba, makga a mantši . . . Ga re re go ba ba sa kwešišwego, eupša, le a tseba, le . . . Go fihla ka

tsela yeo. Gomme kafao, mohlomongwe, Lamorena mosong, ge bohle ba ba nago le potšišo ka monaganong wa bona mabapi le yona, ba tla e ngwala le go e fa tsekeng fa, Mokibelo bošego, gomme gore ke kgone go bona se e lego. Gomme ka gona ke leka go le arabela yona, Lamorena mosong, Morena ge a rata. Ke nagana seo se tla ba kaonekaone go feta se re bego re se beakanya, gobane dinako tše dingwe ga se kwešišwe, le a tseba. Gomme kafao ka tsela yeo ke tla hwetša . . . Go tla ba kaone gore ke tla—ke tla e hwetša go otloga, le a tseba. E tla no ba se e swanetšego go ba. Gobane, nako ye nngwe, bjale . . .

⁸ Yo mongwe o leditše lehono gomme o boletše, gore—gore, o leditše le go nyaka go tseba ge eba e be e le therešo, gore, “Ge—ge Tlhatlogo e direga, go tla ba feela yo motee ka Jeffersonville le yo motee ka New York, le ka moka ga bona mošwamawatlē.” Kafao, le a bona, e nno se kwešišwe. Ka gona yo mongwe o boletše, gore, “Mokibelo bošego, ge Morena a re fa Lehuto la mafelelo, gona Jesu o tla ba fa Lamorena mosong.” Le a bona? Kafao ke—ke . . . Le a bona, ga—ga o . . . Seo, seo ga se bjalo. Gomme ga o . . . Ga se yona.

⁹ Ga re tsebe. Ge e ka ba mang a go botša gore ba tseba O tla neng, le a tseba ba phošo, sa mathomo, gobane ga go yo a tsebago seo. Eupša re nyaka go phela, lehono, go swana le ge go bile gonabjale.

¹⁰ Ke ya go ba mohuta wa go le retolla go dikologa lebaka la motsotso, kafao ebang komana. Ke—ke a dumela Jesu o tla tla ka gare, gannyane go feta, metsotso ye meraro go tloga gonabjale, ya nako ya Gagwe. Le tseba gore seo se tla ba botelele bjo bokae? E ka ba mengwaga ye masometharo tlhano. Le a bona, mengwaga ye sekete e no ba letšatši le tee, le Yena, le a bona.

¹¹ Kafao, ge le ekwa moapostola morago fa a re, “Nako e batametše,” godimo fa, “nako e batametše.” Moapostola o boletše seo ka go Kutollo. Le tseba botelele ka fao seo se bilego? Seo ga se na . . . Seo e be e no ba maabane, go Modimo, e bile e sego matsatši a mabedi nako yeo.

¹² Gomme, le a bona, ge e le metsotso ye meraro, bonnyane go feta metsotso ye meraro ya go Tla ga Gagwe, le a bona, yeo e tla ba mengwaga ye masometharo, e ka ba, go rena, goba se sengwe ka mokgwa woo. Gomme lebelelang ka fao, se metsotso ye meraro e tla bago go Yena: O šetše a tsoga, go tla. Kafao re, lena . . . dinako tše dingwe ge le bala mo, O bolela ka go lemo la Lentšu, le a bona, e sego ka go dipeelano tša rena.

¹³ Gomme ka gona ge ke tsebile O be a etla gosasa bošego, gosasa bošego, gosasa ke tla ithuta le go Mo kgopela go mpha Molaetša bakeng sa Lehuto la Bone. Gomme ke tla tla tlase mo le go O rera, go no swana. Le a bona? Ke—ke nyaka go be ke dira letšatši le lengwe le le lengwe feela se ke tla bego ke se dira ge A etla. Gomme ga ke tsebe lefelo le lengwe le le kaonekaone

go feta go swarwa thwi mo lefelong la mošomo, le a bona, thwi mo lefelong la mošomo. Kafao re no tšwelapele go ya pele go fihla A etla.

14 Dinako tše dingwe ge re sa no bala, gomme, bjale, phafogang ka kgonthe. Gomme ge le bala, hwetšang ditheipi, di theetšeng sekgauswi ka kgonthe. Gobane, le tla e hwetša go theipi, gobane ba be ba raloka tšona ditheipi morago, gomme ka kgonthe di botse le go ba pepeneneng. Kafao, le tla e hwetša hlakihlaki kua.

15 Bjale, yo mongwe le yo mongwe ka leratong le Kriste, ke a holofela, bošegong bjo, le yo mongwe le yo mongwe a Mo rata.

16 Ke tla le botša ke eng, dinako tše dingwe, se se gakantšhago batho, yo mongwe yola a tlilego ka gare gomme a se hwetše karolo ya mathomo ya tirelo, le a bona. Ka gona ba tlile ka gare gomme ba go kwa o šupa morago, o itia morago, se sengwe, gomme ka gona ba tšea seo, seo se boletšwego, gomme ga se ba hwetša karolo ya pele. Gona yohle e a gakantšha go bona, le a bona, nako yeo. Gomme ba nagana gore se sengwe se boletšwe go fapana, eupša Ga—eupša Ga se sona.

17 Kafao ge o na le potšišo ye o sa e kwešišego, e no e ngwala godimo ga ntsekana ya pampiri. E bee ka gare, nako efe kapa efe gare ga bjale le Mokibelo bošego. Gomme ke tla leka, Lamorena mosong, go . . . Ge e le go gakantšha go gonnyane, o re, “Gabotse, ke a makala feela se se se bego se se ra mo. Ga se ka se hwetša.” Le tseba se ke se rago. Gona ke tla leka go le arabelela, Lamorena mosong, Morena ge a rata.

18 Bjale, bošegong bjo re ya go bala go tšwa go Lentšu le la kgale la go šegofala gape, ka go tema ya 6. Gomme re thoma bošegong bjo ka Lehuto la Boraro. Gomme yeo ke temana ya 5, temana ya 5 le ya 6.

19 Gomme gosasa bošego re tswalela banamedi ba bane; pere ye tšhweu, le pere ye khubedu, pere ye ntsho, le pere ye tshehla.

20 Gomme ke nyaka go bolela se. Gore, nako le nako, ebile go fihla mosong wo, e ka ba . . . Oo, ke tsoga ka kgonthe, ka leselaphutiana ka kgonthe le go ya thapelong pele dilo di huduega, le go no tšwelapele go rapela go kgabola letšatši. Eupša mosong wo, ka leselaphutiana, Moya wo Mokgethwa o tlile moo ke bego ke le. Gomme feela ka go ba pepeneneng bjalo ka e ka ba eng, ke—ke bone Lehuto le lengwe le le bulega bjale, feela tlwa. Bjale—bjale—bjale, O a nkwa, ke a tseba. Gomme ke thabile kudu.

21 Bjale, le tla no elelwa gore go ne se sengwe se diregago. Gore, ke—ke a holofela le a e swara, le a bona, fao . . . gore go ne se sengwe se a direga. Ke no nyaka go leka kereke ye nako ye nngwe, gomme ke bone ge eba ka kgonthe ba ka kgona go topa se sengwe pele ka kgonthe se direga. Bjale elelwang, elelwang se ke le boditšego. Gomme, bjale, Morena a re thuše.

22 Bjale ka go temana ya 5.

Gomme ge a butše lehuto la boraro, ke kwele sebata sa boraro se re, Tlaa . . . o bone. Gomme ka bona, gomme bonang pere ye ntsho; gomme yo a bego a dutše godimo ga yona o be a swere seelaboima ka seatleng sa gagwe.

Gomme ke kwele segalontšu ka magareng ga diphedi tše nne se re, Leselwana la korong ke peni, gomme maselwana a mararo a bali ke peni; eupša o bone o se senye oli le . . . beine.

23 Bjale a re beeleng se bokamorago nthatana ye nnyane feela, gomme go Mahuto ao re a fetilego. Ka gore, go no swana le ka go mabaka a kereke, ka baka la eng, re leka go fa bokamorago, go no bo lepeleletša godimo, go fihla le kgona . . . Yeo ke tsela ye mabaka ka nnete a lego ka Lengwalong, le tee le lepelelela le lengwe godimo, feela ka mokgwa woo. Go swana le go namela lelere, le go namela lelere, a ke re; yo motee a kitimela tlase go yo mongwe, le go tla morago ka mokgwa woo, ge o eya godimo ga kgato.

24 Gomme bjale, Mahuto a, pu . . . Ke pu—pu Puku ya Topollo, e bofilwe. Yo mongwe le yo mongwe o kwešiša seo? [Phuthego e re, “Amene.”—Mor.] Gomme Puku ye e tswaletšwe ka Mahuto a Šupago. Ke Puku ya mahuto a šupago. Le a bona?

25 Gomme bjale elelwang, ge re e swantšhitše go lena, gomme re e tšere go tšwa go Jeremia le bohle. Bjale, bona, ge ba bile . . . Ba ngwadile ka mokgwa *wo*, godimo ga seripa sa—sa lephepha, goba pampiri, a ke re; goba, e sego pampiri, eupša e be e le letlalo. [Ngwanešu Branham o swantšha go phuthela le go tswalela sekrolo, ka go šomiša matlakala a pampiri—Mor.] Gomme ba e phuthetše godimo, ka mokgwa *wo*. Bjale gore . . . Gomme ka gona bofelo bja yona bo be bo tlogetšwe ka mokgwa *woo*; seo se ra gore ke eng fao. Ka gona ya go latela e tšea mohuta wa go swana wa maemo, e phuthelwa godimo ka tsela ya go swana, e phuthelwa ka mokgwa *woo*. Gomme ka gona, mafelelong mo, e kgeigile ka mokgwa *woo*, gomme ya tlogela ye nngwe ye tee.

26 Gabotse, yeo e be e le Puku ya mahuto a šupago. Bjale ga se nke ra ba le Dipuku boka *ye* go fihla moragonya. Dipuku nakong ya kgale di be di le disekrolo. Di be di phuthelwa godimo. Gomme ka gona ge ba nyaka thuto goba e ka ba eng . . . Go swana le ge—ge Beibele e phuthetšwe, le nyaka go bala Puku ya Jesaya; o tla retologela tlase fa go Jesaya, gona wa E phutholla ka mokgwa *woo*, gomme wa E bala. Gomme ye ke Puku ya Topollo ya mahuto a šupago.

27 Gomme bjale re hwetša gore Kwana e tla ntle, e tšea Puku go tšwa seatleng sa Yena yoo a dutšego godimo ga Terone, le go kgaola Mahuto, le—le go tlemolla . . . le go tlemolla Ao, go tlemolla Mahuto go batho.

28 Gomme Dibata tše nne di dutše fale, tše o re di tšerego ka go mabaka a kereke, Dibata tše nne tša go swana, le a di bona tsela yohle go kgabola Lengwalo, gomme ke Yena Yo a dirago go kwalakwatša ga Mahuto a a kgaolwago. Bjale, gomme re a bona ke pu—pu Puku ya Topollo.

29 Ka gona re ile morago gomme ra hwetša mo—mo Molopolodi wa Lelokokgauswi, gomme ra Mo topela godimo, go bona se mošomo wa Gagwe o bego o le sona. Gomme bjale go mengwaga ye yohle, Kriste o be a dira mošomo wa Molopolodi wa Lelokokgauswi. Bjale, bohle ba ba kwešišago seo, e reng, “Amene.” [Phuthego e re, “Amene.”—Mor.] O be a dira mošomo wa Molopolodi wa Lelokokgauswi.

30 Eupša go tla tla nako yeo ge mošomo wa go lopolla o tla bego o fedile. Gomme ge mošomo wa go lopolla o fedile, gona O tlogela Terone ya Modimo, moo A dutšego bjale. Eupša yeo ga se Terone ya Gagwe. “Yo a fenyago o tla dula le Nna ka Teroneng ya Ka, bjalo ka ge Ke fentše le go dula fase godimo ga Terone ya Tate wa Ka.” Yeo ga se Terone ya Gagwe. Yeo ke ya Moya, Modimo. Kriste, Kwana, ga se ya Gagwe. Ke Modimo yo a aperego nama, le a bona; e lego Modimo yo a swanago, a dirilwego ka nameng. Bjale, O tšoga go tšwa setulong. . .

31 Sa pele, tsebišo e ile pele, ka gore, “Ke mang a kgonago go tla le go amo- . . . le go tšea Puku ye ya Topollo?” Le a bona, ka gore polane yohle ya topollo, go tšwa go Adama, tšohle tše Adama a di lobilego.

32 Fao go be go se selo se se lahlelegilego go fihla ka Adama. Gomme ka morago ga Adama, tšohle di lobilwe, lefaseng. Gomme se sengwe le se sengwe mo tlholong ya lefase se lobilwe. Gomme se sengwe le se sengwe se wele ka Adama, se tshetše legaga, gore ga go yo a ka go bowa morago, ga go tsela le gannyane. Motho, ge a dirile sebe, o tlogetše tsela ya gagwe, ga se a šia tsela go ya morago bakeng sa yenamong. Gomme gona fale. . .

33 Ge potšišo ye e botšišitšwe; Johane moutolli, yoo. . . moprofeta Johane, o be a le ka ponong gomme o e bone. Gomme go be go se motho Legodimong, go se motho lefaseng, go se motho ka tlase ga lefase, goba ga go yo mongwe, ebile a bilego le maswanedi go lebelela go Puku. Le a bona? Bjale e no naganang ka seo! Ka gona Kwana e tla pele, gomme O tšea Puku. Bjale Johane o ile a kgopelwa go se sa lla gape. O rile, “Bona, Tau ya Juda e hlotše, gomme—gomme A ka kgona go tšea Puku gomme a E bula.” Kafao, o retologile go lebelela Tau, gomme o bone Kwana. Mogolo o biditše, o rile, “Tau e hlotše.” Eupša ge a etla le go lebelela, e be e le Kwana e etla ntle go tšwa Teroneng.

34 Bjale, o be a se a ke a lemoga Seo pele. Ka baka la eng? O be a le morago kua, ka go go dira ga Gagwe mošomo wa Gagwe wa boboelanyi; ka gore O be a etšwa madi bakeng sa batho, a

boelanya batho, go fihla soulo ya mafelelo, ye e bego e beilwe godimo ga Puku ya Kwana ya Bophelo pele ga motheo wa lefase, e etla ka gare. Go ya go no ba bontši bja bona fale, gomme yeo ke yona. Yeo ke phetho. Ba bangwe ebile ba ka se nyake go tla ka gare; ga ba ne tlhologelo go tla ka gare. Gomme kafao, gona, ge soulo yela ya mafelelo e etla ka gare, gona nako ya topollo e fedile.

³⁵ Ka gona Kwana e tla pele go tleleima ditokelo tša Gagwe go se A se lopolotšego, gomme seo ke tlhoho yohle. Lefase le se sengwe le se sengwe ke sa Gagwe. Le a bona? O le lopolotše ka Madi a Gagwe Mong. Gomme ge A etla pele go tšea Puku ye, go E bula, gobaneng, nna, ba be ba . . . Johane ga se a ke a lla gape. Gomme o lebeletše, gomme Kwana ye e be e le Kwana ye e bolailwego. E be e šetše e bolailwe, eupša e be e phela gape. Gomme bjale re hwetša gore kwana ye e bolailwego ke kwana ya madi, e tšwa madi gohle. E hlabile. Ka morago ga ge E hlabilwe, E tsogile gape. E be e dutše godimo ga Terone, e re, morago ka gare ka morago ga Terone, ka mkgwa *wo*, e boelanya bakeng sa disuolo tšeo tšohle di bego di tlile go tla. Ka gona ge wa mafelelo a be a le mo, gomme go be go fedile, mo . . . Modimo o be a sa swere Puku ya Topollo. Le a bona? Bjale O no dira mošomo wa wa Lelokokgauswi bjale.

³⁶ Boka, Boase o ile tlase, gomme Ruthe o be a nno dula fale a letile go fihla Boase . . . ke ra, Boase o dirile top- . . . wa lelokokgauswi, mošomo wa go lopolla. Le elelwa ke rera yeo, e sego telele go fetile? Ruthe, wa go budutša; gomme, Ruthe, e ka ba eng a e dirilego; le go ya pele go theoga, gomme selo sa mafelelo e bile, Ruthe, a letile. Le elelwa ka fao ke swantšhitšego seo ka Kerekeng? Ge, Boase o ya tlase go dira mošomo wa go lopolla wa leloko. O o dirile; o rotše seeta sa gagwe gomme o dirile bopaki, gomme o lopolotše Naomi, gomme, go kgabola fale, o hweditše—o hweditše Ruthe. Bjale, kafao, Ruthe o be a no leta, gobane o be a šetše a katane. O be a dirile dilo tše dingwe tšohle tše, eupša o be a letile bjale. Gomme ka gona ge . . . Kereke e letile, go khutša (bontši bja bona, boati bja bona, ka leroleng la lefase), ge A sa dira modiro wa Gagwe wa Bolopolodi bja wa Lelokokgauswi.

³⁷ Bjale lefase le sa ya go befa. Gomme sebe se pakela godimo, le—le bolwetši, le bothata, le lehu, le manyami. Banna ba go hloka Modimo le basadi ba go hloka Modimo ba hwa thwi fase. Kankere e a ba ja, le se sengwe le se sengwe gape, ge ba sa kgone go leka tumelo ya go lekanela go obeletša ntle kua le go e swara.

³⁸ Bjale hlokomelang. Eupša gona ka morago ga ge gohle go fedile, morago ga wa Gagwe wa bobo- . . . poelanyo ya Gagwe e dirilwe, O tla pele, o tšea Puku go tšwa seatleng sa Gagwe. Gomme ka gona Johane, le se sengwe le se sengwe ka Legodimong, gomme go thoma . . . Disuolo ka tlase ga aletara di thoma go goelesa. Re hwetša seo ka go Lehuto la Boselela, gape. Le ka fao ba thabilego! Gomme—gomme ba wetše fase,

bagolo, gomme ba tšholletše ntle dithapelo tša bakgethwa. Gomme disoulo ka tlase ga aletara di goleditše, “Wena o aSwanela, gobane O re lopolletše go Modimo! Gomme re ya morago lefaseng, go phela bjalo ka magoši le baprista.” Oo, fao go be go le ye kgolo. . .

³⁹ Gomme Johane o rile, “Yo mongwe le yo mongwe Legodimong, se sengwe le se sengwe ka tlase ga lefase, le se sengwe le se sengwe,” ba mo kwele a tumiša Modimo ka yona. Johane o swanetše go be a hweditše leina la gagwe godimo Kua, le a tseba. Nako yeo yohle!

⁴⁰ Ka gona o rile, “O ne maswanedi go tšea Puku ya Topollo.” Bjale ga se ya morago go Moahlodi gape. Ke ya Molopolodi, gomme O dirile modiro wa topollo.

⁴¹ Bjale O ya go bontšha Kereke se A se dirilego. Amene. Le a bona? Ka gona O no tšea. . . Eupša Puku e tswaletšwe. Ga go yo a tsebilego, le gatee. Ba a tseba E be e le Puku ya Topollo, godimo ga Yona kua, eupša E swanetše go utollwa ka matšatšing a mafelelo. Go ya ka Kutollo 10, morongwa wa bošupa o ya go fiwa Molaetša wa Woo. Ka gore, E boletše, gore, “Ka nako ya go letšwa ga lebaka la kereke la bošupa, morongwa wa bošupa, ge a galagatša, diphiri tšohle tša Modimo di tla be di fedile, ka go galagatša ga gagwe.” Ka gona, ka morago ga ge Le utolotšwe, Morongwa o tla fase go tšwa Legodimong, e bego e le Kriste. Bjale lelwang, morongwa yo o lefaseng, motseta.

⁴² Kriste o tla fase, le Mmona ka go tema ya 10 ya Kutollo; a bea leoto le tee godimo ga naga, le lengwe le tee godimo ga lewatle; molalatladi godimo ga hlogo ya Gagwe, mahlo boka. . . le maoto boka mollo, le go ya pele; a phagamišetša seatla sa Gagwe godimo, gomme a ena ka Yena yo a phelago neng le neng le neng, godimo ga Terone, gore, “Nako e ka se sa ba gona.” Gomme ge A tšea keno ye, Medumo ye Šupa e kwatša mantšu a yona.

⁴³ Gomme mongwadi, yo, ge Johane a tšeelwa godimo, o be a swanetše go ngwala se a se bonego. O thomile go ngwala fase. O rile, “O se ke wa O ngwala.” Gobane. . . “O se ke wa ngwala Woo.” Ke wa go se- . . . O rile, “O tswalele.” Ke eng ka gare? “Tswalele godimo. O se ke wa Se bolela.” Le a bona, Se swanetše go utollwa, eupša Sona le bile ga se sa ngwalwa ka Lentšung.

⁴⁴ Gomme ka gona ge A thoma go bula Mahuto, re hwetša, ka moka ba be ba gakanega. Le a bona? Ge A butše Lehuto la Pele, o naganne, “Bjale Lona šele le ya go re, ‘Gomme go tla tla gore *semangmang* o tla tšea terone, gomme *yo mongwe* a dira se, gomme *yo* o tla dira *sela*.’”

⁴⁵ Eupša ge go bile, šo o ile, pere ye tšhweu, a nametše, le monamedi godimo yona. Gabotse, “O be a ne bora ka seatleng sa gagwe; gomme o be a filwe mphaphahlogo, morago ga lebakana,” o boletše. Yeo ke phetho.

46 Gomme Kwana ya retologa morago gape, gomme ya goga Lehuto le lengwe go tloga, gomme mo go ile ntle wo moso . . . monamedi wa pere ye khubedu. “Gomme o bile le . . . o filwe tšho—tšho tšhoša; gomme o be a eya go dira ntwa; le go fiwa maatla a magolo, le go tšea khutšo go tloga lefaseng, le go bolayana seng.” Woo e be e le mohuta wa . . . e sa le selo sa sephiri (a e be e se sona?), ge A Le bula.

47 Gomme ka gona e ya pele, gomme e rile, “Ka letšatšing feela pele ga Medumo ye Šupa ye, diphiri tšohle mo di utolotšwe.”

48 Bjale lebelelang. Ka gona re hwetša, bjalo ka ge re be re ithuta, gore, go theoga go kgabola mabaka, re bile le bampshafatši, e sego baprofeta. Bampshafatši! Gomme ofisi ye nngwe le ye nngwe e rwala mošomo wa yona mong—wa yona mong.

49 Go no swana le monna yoo a lego mo—mo modiriši wa mogala, yena ga se ramohlakase tlwa. A ka no dira mošomo wo monnyane go wona. Gomme boka, ge monna e le monna wa mothalo, gabotse, ka kgonthe o . . . ke moepi wa molete wa dikota, gomme ga se a ke a tsoge a dira mošomo e ka ba ofe wa lethale, bokaone a tloge lethalleng. eupša a ka no dira mošomo wo monnyane wa go phetša goba se sengwe.

50 Eupša ge Selo sa kgonthe se swanetše go utollwa mo letšatšing la mafelelo, la karolo ya mafelelo ya Kereke, ke ge Modimo a boletše gore O tla romela go rena, go ya ka Mangwalo. Gomme re e purupuditše go kgabola le go kgabola, gore O akanyeditšepele gore Moya wa Eliya o tla bowa ka go motho tsoko. Bjale, ke nagana seo se dirilwe feela go hlaka. Gomme re . . . Gomme re lebeletše seo go direga; felotsoko, motho yo a tloditšwego, ka matšatšing a mafelelo, go tsoga. Bjale le tla kwa boati bja mahlanya le se sengwe le se sengwe gape, eupša seo se no—se no leka go . . . Ke diabololo, a leka go tšea go tloga go yo motee wa kgonthe ge a fihla mo, le a bona. Eupša e tla tsebagatšwa ka maleba. Le tseba se Eliya a bego a le sona; gomme šetšang seo, gomme le—le tla tseba. Gomme ka gona ge a . . . Bjale, Bakgethiwa ba tla tseba.

51 E sego ba bangwe; ka nnete ba ka se e dire. Ba tla E foša, dimaele tše milione. Boka . . . Re kgabotše yeo yohle, le go bontšha ka fao ba fošitšego Johane, ka fao ba fošitšego Eliya, ka fao ba fošitšego Jesu, ka fao ba ba fošitšego tsela yohle go bapa. Gomme ba tla dira selo sa go swana, gobane Beibele e rile ba tla dira. Le a bona? Kafao gona, ka go nako yeo, Le tla kokobela kudu. Le tla ba bonolo kudu. Seo se tla . . . se se tla dirago batho go wa go tloga go Lona. Le bonolo kudu go bona. Re hwetša, gomme ka mehla, ge batho ba eba ditswerere le go rutege, le go tseba bontši ka moka, gona ba no . . . Woo e no ba mohuta wo o e fošang, le a tseba. Le a bona?

52 Jesu ga se a tsoge a tšea bona batho ba mohuta (go ba) barutiwa ba Gagwe. O tšere batho ba go se rutege, banna ba dihlapa, gomme ga go yo a bego a kgokagane le dikereke tša bona le dilo. O no ba le banna ba go tlwaelega, bakgoboketši ba motšhelo, le balemi, le batheadihlapa, le go ya pele, go dira mošomo wa Gagwe. Le a bona? Ka gore, ba—ba a tseba ga se bona selo, gona A ka kgona go dira se sengwe go tšwa go bona, le a bona. Ge feela ba tšwelapele ba tseba gore ga se bona selo, gona Modimo a ka šoma.

53 Eupša ge ba fihla go naganeng gore ba tseba se sengwe, gona, “Ga o tsebe selo seo o swanetšego go se tseba,” Beibele e a bolela. Gomme kafa, gona, re—re hwetša seo.

54 Gomme bjale, re hwetša, gona, gore diphiri tše di swanetše go utollwa.

55 Gomme gobaneng banna ba bangwe ba ba se ba dira, Wesley, Luther, le bampshafatši bale ba bagolo, ba ba tlišitšego ntle tokafatšo, tlhwekišo, lebaka la Pentecostal ka kolobetšo ya Moya wo Mokgethwa le dilo, gobaneng ba se ba swara Melaetša ye—ye? Gobaneng ba se ba E hwetša? Gobane ba be ba le bampshafatši. Le a bona?

56 Go no swana le, go e tšea ka lehlakoreng le lengwe, go be go le batho ba ba tlogo ka gare ba ba bego “ba na le maatla bjalo ka magoši, eupša e be e se magoši.” Le a bona? Le a bona? Le swanetše go hlokomela lereo la Beibele la eng kapa eng. Le a bona? Bjale šetšang. Eupša, le, lebaka leo gore mafelo ohle a go timela, a karolo ya sephiri ka tokafatšo, karolo ya sephiri sa tlhwekišo, karolo ya sephiri sa kolobetšo ya Moya wo Mokgethwa. Gomme, gobaneng, ke mohuta ofe o dirilego . . . ? A Efa o jele apola, goba a o jele garenate, goba se sengwe? Le a bona? A . . . ? Peu ya sephente e be e le eng? Gomme—gomme a kolobetšo leineng la “Tate, Morwa, Moya wo Mokgethwa,” goba Leineng la “Morena Jesu,” nnete? Gomme, oo, makgolo a dilo tšeo, di tlogetšwe le bofelo bja go hlepha. Le a bona?

57 Gomme ka gona ka iring ya mafelelo, moisa yo o tla tla pele le go utolla selo, le a bona, go tšea Mangwalo godimo. E tla tsebagatšwa ka maleba. Lebelelang. Ee, mohlomphegi. Gomme, bjale, e ka se be se segolo, selo se segolo bjale. Go bonala eke, fa ka Beibeleng, e tla ba se sengwe se segolo.

58 E be e le bogolo bjo bokae, ge Johane a be a swanetše go tla tlase kua le go kolobetša! E no naganang bjale. Baprofeta, morago, tsela yohle morago, Jesaya, Maleaki, le bohle ba bona ba boletše ka yena, ge a tla tla. Gomme ge a dirile, feela monoši, wa kgale moisa wa go se rutege, ka tšhitšiboya gohlegohle sefahlegong sa gagwe, le moriri o tšweletše boka seboko sa tšhitšiboya, gomme ntsekana ye kgolo ya kgale ya letlalo la nku le tatilwe go mo raretša; ga go thuto le gatee, ga se nke a ke a ya sekolong letšatši ka bophelong bja gagwe, bokgole bjo re

tsebago. Le a bona? Šo o a tla, go tšwa lešokeng, ebile e sego le go amogelega kudu ka phuluphuthing, gomme a ema ntle kua nokeng ya Jorodane gomme a thoma go bitša batho go sokologa. A o ka eleletša!

⁵⁹ Beibele e boletše, gore, “Se sengwe le se sengwe se tla ba se segolo kudu mo letšatšing leo, ebile go fihla mafelo ohle a godimo a tla kokobetšwa, gomme mafelo ohle a tlase a tla phagamišwa.” Ee mohlomphegi. “Gomme mafelo ohle a makgwakgwa a tla latšwa.”

⁶⁰ Gobaneng, ke kgona go eleletša go ba bona ntle fale, ke nagana Johane o tla tšwela ntle, goba pulamadibogo ye kgolo ye ya Kriste, le go no tšea leganata lohle le go le theletša, le go le bea ka go bjang gape. Le a bona? Oo, bona, ke a eleletša ba bile le yona yohle e lokišitšwe, go nyakile go swana le ge ba na le lehono.

⁶¹ Eupša, go be go ikokobeditše kudu, ebile le baapostola ba e fošitše. Ba rile, “Gabotse, gobaneng Lengwalo le re, ge. . . O ya godimo kua go neelwa godimo bjale? Gobaneng Lengwalo le bolela gore—gore Eliase o swanetše go tla pele?”

⁶² O rile, “O šetše a tlile, gomme ga se le e tsebe. Gomme, Morwa wa motho, ba tla dira selo sa go swana. Eupša, Johane,” O rile, “o dirile feela se se boletšwego bakeng sa gagwe go dira. Gomme ba mo dirile feela se ba bego ba swanetše go se dira. Gomme,” o rile, “Morwa wa motho o swanetše a tlaišege bjalo.”

⁶³ Gobaneng, go be go se, ke a thanka, tee tharong ya moloko ka moka wa Bajuda e kilego ya tseba gore Jesu Kriste o be a le lefaseng. Ga se ba. . . Ba ka no ba ba kwele ka setsenwa tsoko tlase go bapa fale felotsoko, eupša ga se ba fe šedi ye e itšego go yona, ba no ya pele. “O tlile go ba Gagwe Mong, gomme ba Gagwe Mong ga se ba Mo amogela.” Bjale, fao ke mo ke dumelago ebile. . . Bjale, ga se ya re O tla tla ka sephiring.

⁶⁴ Eupša Tlhatlogo e tla ba sephiri. Kafao ge seo e be e le sephiri kudu, ge A etla, ke bontši gakaakang Tlhatlogo e tla se tsebjejo! Le a bona? Ba ka se e tsebe. Thwi ba tla re, “Gabotse, ke naganne re be re swanetše go ba le Tlhatlogo. Gomme kahlolo yohle ye godimo ga lefase?”

⁶⁵ O tla re, “E šetše e diregile, gomme ga se le e tsebe.” Le a bona? Go tla ba bjalo, feela boka lehodu bošego.

⁶⁶ Boka pu—pu puku ke e badilego, nako ye nngwe. Ke eng seo e bitšwago? *Romeo le Juliet*, a ke seo e bego e le, goba se sengwe? O beile, beile lelere godimo lehlakoreng la ntlo, tsela tsoko. Nna bak- . . . E bile nako ye telele ya go feta. Gomme a tla, a tšea wa gagwe. . . go mo ntšhetša ntle nako ya bošego.

⁶⁷ Bjale, yeo ke tsela ye e tla—e tla diregago, gomme e tla be e ile. E sego, ba tla romela sehlopha sa Barongwa fase, ka digarafo, go epolla mabitla. Beibele e rile, “Re tla fetolwa, pele ebile o

ka ponya leihlo la gago.” Feela go panya, go tla be go fedile, ka pela fao.

E no re, “Yo mongwe o timeletše.”

⁶⁸ Gabotse, ke tla eeletša ge re ka kgona go puruputša lefase gohle, lehono, go bile le batho ba makgolotlhano ba timelelago go tloga lefaseng letšatši le lengwe le le lengwe, le a bona, ga ba tsebe selo ka ga sona. Ba no tla godimo, ba timelela.

Gabotse, ga go ye go ba bontši kudu go ya ka go Tlhatlogo yela.

⁶⁹ Bjale, ga ke nyake go le tšhoša, gomme ga—gomme ga—ga—ga—ga ke nagane go ka tsela yeo, eupša ke no nyaka go le botša se A se boletšego. Gomme le a se tseba, ka bolena. “Bjalo ka ge go bile matšatšing a Noage, fao disoulo tše seswai di phološitšwego ka meetse. Disoulo tše seswai go tšwa lefaseng, di phološitšwe ke meetse.”

⁷⁰ Gabotse, o re, “Oo, nna! Ga go bohlokwa go nna go leka.” Seo se bontšha ga o na mohuta wa tumelo o e hlokago.

⁷¹ Ge go no ya—go ba yo motee, yo e tla ba nna, amene, ka baka la gore ke a dumela. Le a bona? Yeo ke tsela ye o nyakago go e dumela, le a bona, “Eba nna.” Nnete. Ke nyaka go phela kgauswi kudu le Yena, gore ke a tseba O ya go ntšea ge A etla. Ke a e dumela. Yeo ke nnete. Kafao ge go le fao. . . Ge yo mongwe le yo mongwe gape a e foša, ke ya go ba fao, ka mogau wa Gagwe. Gobane, O ntshepišitše seo, gomme ke a tseba gore ke tla—ke tla ba fao, gobane A ka se kgone go aketša. Gomme ke a tseba soulo ya ka le bophelo di bea bohlatse, gomme ke leka go phela letšatši ka letšatši feela go swana le ge A be a etla, kafao ke—ke—ke ya go ba yena yola. Yeo ke tsela ye o nyakago go ikwela, “Ge go eya go ba seswai, ke tla ba yo mongwe wa ba seswai bao; go ya go ba makgolotlhano, ke ya go ba yo mongwe wa bale ba makgolotlhano. Ga ke tsebe ka moisa yo mongwe, eupša ke nyaka go ba yo mongwe wa bale ba makgolotlhano.” Le a bona? Yeo ke tsela ye le nyakago go elelwa. Le a bona?

⁷² Gomme ge o sa se elelwe ka mokgwa woo, go na le se sengwe sa phošo ka tumelo ya gago. Le a bona? Ga o na le nnete o phološitšwe le bjale, gona. O no e thanka. O se ke wa dira seo. Go lokile.

⁷³ Ga re ye go tsena ka go Lehuto le, a re a ya? Go lokile. Ke nyaka, bošego bjo bongwe le bjo bongwe. . . Ga ke tsebe ge eba le tshwenyega ka go tšea nako ya lena. Re ka kgona go tšwela ntle ka pejana nthatana gannyane. Ga go kudu. . .

⁷⁴ Ka go go utollwa ga a, ga Mahuto a, elelwang, ka kgonthe ke temana e tee feela. Ya pele, e bolela go bega ga yona, temana ya 2. Bontši ka moka ditshwayotshwayo, le go ya pele, palo ya yona, goba—goba go bala dikgopolo tša bona, gomme ke—gomme ka mehla ke be ke dumela go swana le e nyakile go ba bohle ba bona

ba dira, gore monamedi yola wa pele wa pere o be a le ke—o be a le kereke ya pele. Eupša ge Moya wo Mokgethwa o e utolotše, e be e le kgahlanong le seo ka go felela. Gomme kafao gona, sohle e se dirago, go no bontšha se e lego. Gomme gona ke leka . . .

75 Bjale, go nna, ye ke ye kgethwa kudu. Ke ka baka leo bokaone ke arabe dipotšišo tše. Gomme a re e hwetšeng, yo mongwe le yo mongwe a tseba go otlologa, le godimo ga ditheipi, le bona, gore ba tla kwešiša bjale. Le a bona? Ke lekile go bolela lebakana, bošego, ka go bea bokamorago, go hwetša batho . . .

76 Go kitimela ka gare le go kgoromeletša ka gare, gomme, ga la swanela go dira seo. Le a bona? Eupša, ge e dira, ke batho. Gomme go a fiša ka go—ka mo, gomme o—gomme le hloka khutšo.

77 Eupša le bile kudu, gabotse kudu. Bokaonekaone nkilego ka bona batho ba dira, ka tabarenekeleng, e bile kopano ye; gomme ba dutše ba homotše, gomme bomme ba tšea masea a bona go bofepelong ge ba thoma go lla. Gomme se sengwe le se sengwe se bile gabotse kudu.

78 Eupša ke leka go e fa bokamorago go fihla ke no ikwela tlotšo ya Moya godimo ga ka, go bolela Mantšu a, go bolela se se utolotšwego go nna. Gomme ka gona ge ke dirile, felotsoko, go dira seo, ge ke dirile phošo mo, ka nnete fa pele ga batho bohle O tla mphošollela yona. Ke—ke a e nyaka. Ke—ke . . . Ke E nyaka e le gabotse. Ga go bohlokwa bja go tšea feela se o se naganago. Go na le se sengwe se lokile, gomme—gomme re nyaka Seo. Re nyaka Modimo go re fa se se lokilego.

79 Kafao bjale re tšere se, banamedi ba, ge ba etla godimo. Pere ya pele, bjale, gomme re a lemoga gore yoo e be e le mo—mo molwalekriste yo a ilego pele. Gomme ka gona re hwetša, bošego bja go feta, gore moisa wa go swana yo a ilego pele bjalo ka molwalekriste, bjalo ka pere ye tšhweu, re mo hweditše ka tšhoša, bošegong bja go feta, a nametše, le go bolaya batho.

80 Bjale, bjale, ka mehla go na le tlhago le semoya. Gomme bakeng sa Kereke, ke nyaka go kaya, feela pele re fihla go go bulweng ga Lehuto le.

81 E lego, leo A mphago lona, ke na le lona le ngwadilwe fase mo. Ke na le Mangwalo a mmalwa mo, matlakala a šupa goba a seswai a yona, gomme ge ke šupa go yona.

82 Hlokomelang, ke nyaka go fa sekai, sa Kereke, le go e dira molaleng kudu gore le tla tlemega go e bona. Le a bona?

83 Bjale, go be go le monyalwa wa tlhago ka serapeng sa Edene. Le elelwa bošego bja go feta? Monyalwa yola wa tlhago, o be a le moratiwa wa Adama, go le bjalo mosadimogatša wa gagwe, ka gore o be a se a ke a mo tseba le bjale bjalo ka mosadimogatša.

84 Go no swana le Maria ge a be a le mosadimogatša wa Josefa, eupša ga se a ke a mo tseba le nako yeo. “O hweditšwe a na le ngwana.” Le a bona?

85 Bjale, pele Adama a tsebile mosadimogatša wa gagwe, o be a no ba monyalwa go yena. Go lokile. Gomme re hwetša gore Modimo. . . Yena, o wele ka serapeng sa Edene gobane o šitilwe go swarelela go Lentšu la Modimo.

86 Bjale, O tsebile gore Sathane o tla tlemollwa magareng ga bona, kafao O ba file le—le lefelo go dula ka morago; go ba šireletša. Gabotse, fao, ke mang a ka tsebago lefelo le lengwe le le kaonekaone go šireletšega, go feta Modimo, ge A leka go hlokomela bana ba Gagwe Mong?

87 Ge ke be ke nyaka go hlokomela Joseph wa ka yo monnyane, gabotse, ngwanešu, se sengwe le se sengwe. . . Gomme ke tsebile bophelo bja gagwe bo ithekgile go yona, gobaneng, ke tla. . . gomme ke be ke kgona go e dira. Gabotse, ge eba khonkhoriti ya dikgato tše masomenne e matlafaditše, e ka ba—e ka ba selo go se dira, yeo ke. . . Ke tla e dira kgato tše masomesenyane, go ba le kgontho, yeo.

88 Gomme ge nka kgona go nagana ka mošemane wa ka yo monnyane, (e lego, ge bophelo bja gagwe bja go hwa bo lahlegile, ke a dumela ngwana o tla phološwa,) go kaakang bontši, go Modimo, go ngwana wa Gagwe yoo a tla lahlegago Kagosafelego! O swanetše go Mmea morago ga eng? O mmeile ka morago ga Lentšu la Gagwe Mong. Ge feela o le ka go Lentšu lela, o bolokegile. “Ge le dula ka go Nna, le Mantšu a Ka ka go lena, gona e nong go kgopela se le se ratago.” Yeo ke yona, Lentšu.

89 Kafao, Efa o be a itshepelela ka serapeng, gomme a kitimela ka go sephente, moisa wa mohuta wa go natha kudu. Gomme o. . . Gomme o thoma. . . Bjale, o be a le ka lehlakoreng le lengwe. Modimo o a phela, o a dula, o šoma ka boikokobetšo, ga go tsela e ka ba efe ye nngwe. Le a bona? Bjale, yo monnyane, mohumagadi wa go kokobela a sepela go bapa fale, gomme Sathane o tla godimo bjalo ka yo bohlale, wa go thelela, mohuta wa moisa wa go natha. Gomme o be a nyaka go mo rekišetša lenaneo. Ge feela. . .

90 Ga go kgathale Sathane o be a le bontši gakaakang go dikologa; ge feela a be a dutše ka morago ga Lentšu le, o be a lokile. [Ngwanešu Branham o phaphatha Beibele ya gagwe—Mor.] Le a bona? Kafao, a nke Sathane a dire e ka ba eng a nyakago; o no dula le Lentšu. Se dire nthatana ya go fapana.

Ge a re, “Gobaneng, o a babja.”

“Ka megogoma ya Gagwe ke fodile.”

“Gabotse, o ya go hwa.”

“O tla ntsoša gape. O e tshepišitše.”

91 Le a bona, e no dula ka morago ga Lentšu. Seo ke sohle. Kriste o gomaretše go Lentšu, ka Boyena. “Go ngwadilwe.” Le a bona? Bjale, dulang ka morago ga Lentšu.

92 Eupša, Efa, o thoma mohuta wa go hlephiša, eupša ga se a tsoge a hlephiša lohle. O hlephišitše sekafoko se sennyane feela. Gomme seo ke se Sathane a bego a nyaka gore a se dire. O mo hweditše go tšwa ka morago ga tshephišo ya Modimo, ka go fa mabaka.

Le se tsoge la leka go fa Lentšu la Modimo lebaka. E nong go Le dumela! Le a bona?

93 Kafao, o gatetše ntle go tloga Fale. Gomme pele Adama a ka tsoge a fihla go yena, go ba mosadimogatša, o be a šetše a tšhilafaditšwe ke Sathane. Gomme o . . .

94 Gomme a le lemogile? Kriste o dirile selo sa go swana, tlwa. Bjale, go lopolla, Modimo o ile a swanela go ba fao pele. A le hlokometše? Maria, pele a etla go Josefa, Moya wo Mokgethwa o be o šetše o fihlile kua. Amene. Le a bona? Moo ke mo Molopolodi a tlilego.

95 Bjale, bjale hlokomelang, mosadi wa tlhago o wele, gomme Modimo o mo diretše tsela ya go lopollwa. Le ge a wele, O dirile tsela.

96 Bjale, yoo e bile monyalwa wa pele lefaseng, a wa, pele ga ge monnamogatša wa gagwe le yena ba nyalana. O wele, ka—ka lebaka la—la go fa mabaka, go na le gore a dule le Lentšu. O wele. Gomme o wetše lehung, karogano ya Gosafelego. Le yena, o tšere monnamogatša wa gagwe le se sengwe le se sengwe gape se bego se le lefaseng. O wele!

97 Bjale, eupša, Modimo, wa go tlala ka kgaugelo, o dirile tsela ya go lopolla mosadi yola. Gomme bjale O mo tshepišitše, a mmošša gore nako ye nngwe, ka moso, Lentšu la therešo le tla tla go yena gape. Lentšu la therešo le tla dirwa go tsebja go yena. Bjale elelwang seo. Ka gore, O tshepišitše Kriste, ka mosadi.

98 Gomme Kriste ke Lentšu. Mokgethwa Johane 1, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu le bile nama,” le a bona, “gomme le dutše le rena.” Modimo o dutše le rena ka nameng. O be a le Lentšu.

99 Pele ga Lentšu, ke mogopolo. Gomme mogopolo o swanetše go hlolwa. Go lokile. Kafao, dikgopolo tša Modimo di bile tlhologo e boletšwe, ke Lentšu. Ke ge A le neela go—go wena bjalo ka kgopolo, kgopolo ya Gagwe, gomme e utollwa go wena. Ka gona, e sa le mogopolo go fihla o e bolela. Ke ka baka leo . . .

100 Moshe o ile ntle go rapela. Pilara yela ya Mollo go mo dikologa, gomme O rile, “Sepela, swara lepara la gago go leba bohlabela, gomme a re, bitša ‘dintšhi.’”

101 Ga go na dintšhi. Eupša o ile le go swara phata fale, gomme o rile, “A go be le dintšhi.” Ga go dintšhi le gatee, go le bjalo. O ile morago. Eupša mantšu, mogopolo wa Modimo, o šetše o boletšwe. Ke lentšu, bjale o swanetše go direga.

102 Bjale a ga le bone moo Jesu a boletšego? “Ge o ka re go thaba ye; e sego ge Ke e bolela. Eupša o re go thaba ye, ‘Šuthišwa.’”

103 Gomme selo sa pele, ke a thanka, ka go nako ya Moshe, ntšhi ye kgolo ya kgale ye tala e thoma go bobola. Gomme, ka morago ga lebakana, di be di le boima bja diponto tše tlhano ka jarateng. Le a bona? Di be di etšwa kae? O . . . Modimo o di hlotše. A ga le bone ka fao . . .

104 Modimo a ka senya lefase le bošegong bjo, ka—ka dikokobebe, ge A nyaka go dira. Gabotse, O kgonne go kgobela dikokobebe thwi go ngwedi. Selo se nnoši A ka kgonago go se dira e no ba go re, “A go be le dikokobebe, go ngwedi.” Seo e tla ba sohle se tla bago go yona. Ga go dikhemikhale goba selo, di tla no tšwelapele di gola, di gola, di gola. Le a bona?

105 A ka kgona go dira se A nyakago go se dira. Yena ke Modimo, Mohlodi. Selo se nnoši go dira e no ba go e bolela. [Ngwanešu Branham o thwantšha monwana wa gagwe gatee—Mor.] Yeo ke nnete. Yena ke Mohlodi. Bjale, ge re ka no hwetša go lemoga ka fao A lego yo mogolo! Le a bona? O no dira se A ratago go se dira.

106 O dula godimo kua gomme o lebelela batho, gomme barutiši ba bannyane ba, ba ditswerere ntle, gomme, “Ga go Modimo,” le—le se sengwe le se sengwe. Huh! Gobaneng, go no swana le ge ba be ba le ka Babele, gape. Babele, a ke re.

107 Bjale re lemoga gore Modimo o boditše Efa, gore, “Morago ga nako ye telele bjalo, Lentšu le bowa morago go wena.” Bjale, o wele bjang? Ke nyaka tlelase ya ka go e bolela. O wele go tšwa go eng? Efa o wele go tšwa go eng? Lentšu. A yeo ke nnete? Lentšu. Gomme Modimo o rile O tla dira tsela go mo lopollela morago go Lentšu gape. Go lokile. Morago ga nako ye telele bjalo, Lentšu le tla tsebja go yena. Go lokile. Lentšu le tla tlela morero o tee bjale. Swara go tliša bjale, se ke se bolelago. Lentšu le tla tla go yena bakeng sa morero o tee, woo e be e le bakeng sa topollo. Go lokile.

108 Eupša, go fihla—go fihla nako yeo, o be a na le kemedi ye e bego—ye e bego e tla šoma go fihla nako e goroga go Lentšu la setlogo. Bjale le—le kwešiša ka go hlaka? [Phuthego e re, “Amene.”—Mor.] Le a bona? O mmoditše Lentšu le tla tla go yena gape, eupša, go fihla nako yeo, O mo fa kemedi go fihla nako yeo e fihla. Kafao, O mo file moneelo go dira, kemedi bakeng sa Madi ao.

109 Bjale, madi a be a le a dipoo le dinku, le dipudi le dilo, eupša ga se a tloše sebe sa gagwe. Le a bona? A nno khupetša sebe sa gagwe. Ga se a se tloša, le gatee. A se khupeditše. Ka gore, e be e le madi a phoofolo, gomme ka mading a phoofolo ke bophelo bja

phoofolo. E be e le kemedi go fihla ya kgonthe. . . Bjale aparang dijase tša lena.

110 A kgonthe, Madi a motho, bjalo ka ge batho ba tla ba, a ba ka nameng (Modimo); ntle le thobalano, kgarebe, tswalo ya kgarebe e tšweleditše yeo. Bjale Lentšu la Modimo, tshepišo, e bile Madi, gomme a dirwa nameng ka go Motho wa Jesu Kriste Mophološi. “Madi a dipoo le dipudi, le go ya pele. . .”

111 Eupša bjale emang. Fa Modimo o dirile tshepišo, a re e tla ba gona ge E etla, “Peu ya gagwe e swanetše go tlapiriganya hlogo ya sephente.” Bjale, ge peu ya gagwe e etla feela go swana le Adama, goba go swana le ge e bile go tšwa go sephente, le go ya pele, gona e tla no fele e sa le peu ya sebe.

112 Ke ka lebaka leo Johane a llilego. Go be go se motho, gobane go be go se motho. . . Yo mongwe le yo mongwe o be a le go kgabaganya, ka lehlakoreng le lengwe la mokoti, legaga. Eupša go tla nako yeo ge kemedi ye ya madi a phoofolo e tla fedišwa, ge a kgonthe, Madi a nameng a tlile: Modimo, a dirilwe nama le Madi. Beibele e rile O be a le. Timotheo wa Pele 3:16, “Sephiri sa bomodimo ke se segolo wa go se ganetšege: ka gore Modimo o bonagaditšwe nameng.” Yeo ke nnete. Tswalo ya kgarebe e dirile se.

113 Bjale, madi a dinku le dipudi a be a khupetša sebe, eupša ga se a se fediša, gobane e be e le madi a phoofolo. Eupša go be go swanetše go loka, go be go swanetše go ba kemedi.

114 Gomme ka nnete ba be—ba be ba tlwaetše kemedi, kafao ba nno tšwelapele.

115 Gomme, ge, la kgonthe, Lentšu le le tshepišitšwego le dirilwe go bonagala ka go Jesu Kriste, Yo a netefaditšego go ba Morwa wa Mohlodi yo mogolo, Modimo; gomme a hlatselwa, ka Boyena, ka go ba Lentšu la Modimo le le phelago. Fše! Nna! O netefaditše O be a le. O kgonne go bolela dilō go beng gona.

116 Ga go motho, goba—goba selo lefaseng, se ka kgonago go dira seo. Ga go selo lefaseng se ka kgonago go hlola, eupša Modimo. Diabolo ga a kgone go hlola. Ke mofapoši wa se se hlodilwego, eupša ga a kgone go hlola. Sebe ke toko feela e fapošitšwego. Le tseba se ke se rago. Maaka ke eng? Ke therešo e sego ya bewa gabotse. Le a bona? Bootswa ke eng? Tiro ya maleba ya semolao e fapošitšwego. Se sengwe le se sengwe ka sebgang, sebe e no ba Therešo e fapošitšwe. Bjale, ga se a kgonaga go hlola.

117 Eupša ge Kriste a tlile, go netefaditše O be a le Mohlodi. Go be go le Madi ao a bego a tshepišitšwe. Bjale ge le nyaka go bala yeo, lena. . . A re nong go phetla motsotso. Re ya go tšea nako godimo ga ye, go le bjalo, bošegong bjo. Ke. . .

118 Go ntšhoša. Ke nagana yo mongwe le yo mongwe o nyaka go ya gae, le a tseba. Gomme kafao ke. . . [Phuthego e re,

“Aowa.”—Mor.] Bjale a re hwetšeng Ditiro 2. Ke a leboga. Gomme re tla no . . .

119 Ditiro 2, gomme re tla hwetša ge eba ye ke nnete, goba aowa, ge eba O be a netefaditšwe gore O be a le Modimo. Go lokile. Hwetšang Ditiro 2. Bjale a re yeng fa go temana ya 22, Petro a bolela, Letšatši la Pentecost.

Lena banna ba Israele, ekwang mantšu a; Jesu wa Natsaretha, monna yo a netefaditšwego ke Modimo magareng ga lena ka mehlolo . . . dimaka le leswao, ao Modimo a a dirilego magareng ga lena, ka ge lena ya lena . . . mehl- . . . lena ka bolenabeng gape le a tseba

120 “Monna yo a netefaditšwego, gore e be e le Modimo magareng ga lena.” Ka tšona dilo tše A di dirilego, o netefaditše gore O be a le. Petro šo, o eme ka Sanhedrin, o a ba botša.

121 Nikodemo o tsebile se se swanago. O rile, “Rabi, bohle re a tseba gore O Morutiši go tšwa go Modimo, ka gobane ga go motho a ka kgonago go dira dilo tše ntle le ge A etšwa go Modimo.” Le a bona? Ba e tsebile. Eupša gobaneng?

122 Bjale šetšang. Bjale, Efa o be a tshepišitšwe se. Eupša ge . . . Monyalwa yola o tlile pele go theoga, gomme a gana, ge Lentšu la nnete le tlile go yena. Ka fao, mosadi o ganne go lemoga; monyalwa wa Mohebere. Ka gore, o be a le monyalwa wa—wa Modimo; O mo lahlile, ka tlhalo. A yeo ke therešo? O be a le monyalwa wa Modimo.

123 Le re, “Gabotse, ba be ba se ba ke ba nyala le nako yeo.” Yeo ke nnete. Eupša Josefa o lahlile Maria pele . . . O be a eya go lahla Maria pele ba nyalana. Le a bona? O be a mmeeleditše.

124 Gomme ge A etla, gomme Lentšu le A le tshepišitšego, o tlela monyanya, O mo hweditše a phuthetšwe ka go dikemedi tša gagwe, gampe kudu, gore a se tšee tshepišo ya kgonthe yeo e dirilwego, Lentšu, Kriste.

125 Mohlomongwe ga le e hwetše. Bjale a nke ke ye godimo ga yona gape. Ke nyaka le hwetše se, le a bona.

126 O be a tshepišitšwe, (monyalwa, Efa), go ba Molopolodi. Molopolodi wa gagwe o tla ba Lentšu. Gomme ge Lentšu le tlile, la dirwa nama, o Le ganne. O ile a fiwa dikemedi. Bjale swarang yeo, “kemedi.” O filwe dikemedi go ya pele, go fihla Molopolodi a etla. Gomme ge Molopolodi a etla, o nyakile go tšwelapele ka kemedi ya gagwe, gomme o ganne Lentšu la therešo. Le a e bona? [Phuthego e re, “Amene.”—Mor.] Gomme yoo e be e le monyalwa wa Mohebere.

127 Kafao O dirile, ka Efa wa bobedi, monyalwa, mmago tšohle tša go phela semoya. Le a bona? Efa go ra “mmago tšohle,” woo ke moy- . . . “bohle bao ba phelago.” Efa, “mmago bohle bao ba phelago.”

128 Bjale, gomme ge A tlike go monyalwa wa Mohebere, o be a le mmago tšohle tše di bego di phela, eupša o E ganne.

129 Efa wa tlhago o wele, ka Edene, ka go theeletša go fa mabaka ga Sathane kgahlanong le Lentšu la Modimo. Ke ka mokgwa wo a welego. Go lokile, mohlomphegi. O wele ka gore o dirile seo.

130 Efa wa Semoya, bjale, yeo ke kereke, monyalwa wa Kriste. O wele, e sego ka Edene, eupša ka Roma, le a bona, ka go Khansele ya Nicaea, ge a ganne, kereke yela ya Pentecostal, ye e ilego tlase Nicaea, le go theetša go fa mabaka ga Roma, go na le gore a sware godimo ga Lentšu, o wele. Gomme se sengwe le se sengwe go tloga go yena, se hwile le yena, go mo dikologa. Bjale, feela bjalo ka ge Efa wa tlhago a wele, Efa wa semoya o wele. Monyalwa wa Modimo o wele—o wele ka serapeng; Monyalwa wa Kriste o wele ka Roma. Le a bona?

131 Hlokomelang, ka go fa mabaka ga go swana, kgahlanong le Lentšu la Modimo, le yena o lahlegetšwe ke ditokelo tša gagwe tša bokwala, go Sathane. Yeo, re hweditše ka go go kgaolweng ga Mahuto a, gore yoo e be e le Sathane, gomme e sa le Sathane fao. Beibele e rile ke sona setulo sa Sathane. Gomme bjalo ka ge Efa a lahlegetšwe ke ditokelo tša gagwe—tša gagwe tša bokwala, le go di fa go Sathane, ka serapeng sa Edene; kereke, monyalwa wa Kriste, o dirile selo sa go swana ka Roma, ge ba loba Beibele bakeng sa dithutotaelo le go fa mabaka ga bona. Le bona ka fao e kayago?

132 O no kitimiša dikai tšeo, o tlemegile go tšwela ntle gabotse. Ge seatla sa ka se lebega boka . . . Ge ke se ka ke ka tsoge ka ipona nnamong, gomme ke bona morithi wa ka o etla, ke tla tseba feela ka se ke bogegago boka sona. Le a bona? Eupša, yeo ke tsela. Ge le nyaka go bona se se tlogo, lebelelang se se bego se le. “Ka gore . . . dilo tšohle tša kgale e be e le merithi ya dilo tše di tlogo,” Beibele e boletše. Go lokile.

133 Ka gore, o lahlegetšwe ke Lentšu la gagwe la bokwala, Lentšu la Modimo, ge a rekišitše Beibele, le go bea monna ka kua yo a bolelago gore kereke e na le ditokelo go fetola eng kapa eng ba nyakago go e fetola. Gomme ba e dirile. Gomme monyalwa wa Kriste, monyalwa wa pentecostal, o rekišitše ntle bokwala bja gagwe, ka Nicaea, feela bjalo ka ge Efa a rekišitše bokwala bja gagwe go Sathane ka serapeng sa Edene. Tlwa. Go lokile.

134 Modimo o tshepišitše; kereke ye, kereke ye ya pentecostal, go tseba o tla e dira; boka A dirile go Efa, Modimo o tshepišitše.

135 Kereke ya pentecostal, a le a dumela gore o rekišitše ditokelo tša tswalo tša gagwe, pele . . . bokwala bja gagwe, ge a tlogile godimo kua? A le dumela seo? O, nnete, o dirile. Gona ke botse bofe thutotumelo, e sego ya thewa godimo ga Beibele ye? Ke nyaka yo mongwe go hwetša ye e bitšwago Thutotumelo ya Baapostola, goba ebile lentšu le tee la yona ka Beibeleng. Yeo ke thutotumelo ya Katoliki, e sego thutotumelo ya baapostola.

136 Balang Ditiro 2:38, yeo ke Thutotumelo ya baapostola, ge eba a ne e ka ba efe. . . ? . . . Bjale, seo ke se ba se šomišitšego nako yohle, go le bjalo. Kafao ge le . . . Le a bona?

137 Kafao, ba rekišitše ntle ditokelo tša bona tša tswalo. E sego feela seo, Mamethodist, Mabaptist, Presbyterian, Mapentecostal, ka moka ga bona, ba dirile sa go swana. O bopile kerekeleina. Roma, se se mo dirilego go dira seo, o bopile kerekeleina gomme a bea monna hlogong ya yona. Gomme Mamethodist, Mabaptist, Mapentecostal le yo mongwe le yo mongwe, o dirile selo sa go swana, a bea sehlopha sa banna mo hlogong ya sona. Ga go kgathale se Modimo a se boelago, ba . . . O swanetše go se dira ka tsela ye ba rego se dire.

138 Gabotse, ke eng? Ga se selo ka lefaseng eupša bommalegogwana bja semoya, mohuta wa go fošagala wa mosadi; ee, mohlomphegi, dithutotumelo, dithutotumelo tša maaka, madirwakemotho. Morago o bile, ge a dirile seo . . . Bjale ke tla netefatša se. O bile mmalegogwana, go Modimo. A le a dumela Beibele e bolela seo? Ee, mohlomphegi. Barwedi ba gagwe ba dirile sa go swana.

139 Bjale ka go Kutollo 17, ge le nyaka go e maraka fase. Johane o ile a tšeelwa ka Moyeng, “Gomme o bone seotswa se segolo se dutše godimo . . .” Gomme re se badile bošego bja go feta. Gomme go be go le dithaba tše šupago, le tlwa se a se dirilego. Gomme o be a file lefase mabohlotlolo a gagwe a ditšhila. A yeo ke nnete? “Gomme dikgoši tšohle tša lefase di dirile mabootswa le yena,” o a radia, le go utswa, le go aketša, le go lefela tshokologo, le—le dinobena, le se sengwe le se sengwe gape.

140 Gabotse, bjale elelwang, o bile le barwedi. Gabotse, ge nkabe a bile mmele, le ka tlase ga tshepedišo ya mokgatlo, gona tshepedišo ka moka e fošagetše. Gomme ge Efa, a sa obamele Modimo, a lahetše se sengwe le se sengwe ka lehung, seo se bego se le ka tlase ga gagwe; le kereke ye nngwe le ye nngwe ye e kgatlofatšago, e fošetša se sengwe le se sengwe lehung, ka tlase ga yona. Tlwa. Selo ka moka se ile. Seo ke tlwa go ya ka Lentšu mo. Balang Kutollo 17. Gomme Beibele e boletše gore O tla “mo tšhuma ka mollo, le bana ba gagwe bohle le yena.” Yeo ke nnete. Seo se ra, tshepedišo ye nngwe le ye nngwe ya mokgatlo e tla tshungwa, le seotswa.

141 Bjale, seo se kwagala mpapatla, gomme ke—ke a tseba le tla kwa go tšwa go yona, gomme ke—ke nyaka go kwa go tšwa go yona. Gomme ke—ke. . . Yeo ke nnete, go le bjalo. Beibele e boletše bjalo, kafao seo se e dira gabotse.

142 O bile “seotswa.” Le ka e bala ka go Kutollo, tema ya 17. O, o dirile eng? O dirile mabohlotlolo, kgahlanong le Monnamogatša wa gagwe mong. “Gabotse,” o re, “aowa, yeo ke Beibele.” Lentšu ke Modimo. Gomme ge o tšea selo se tee. . .

143 A o ka nyaka mosadimogatša wa gago a atla monna tsoko yo mongwe? Ge a se a dira go feta seo, le ka se mo nyake a se dira. O tla netefatša therešo ya gagwe ya go se botege.

144 “Mang kapa mang a ka tlošago Lentšu le tee go Lona, goba go oketša le tee go Lona.” Haleluya! Kriste o nyaka Mosadimogatša wa Gagwe a hlwekile le Lentšu. Yeo ke tsela ye A swanetšego go ba.

145 Gobane, ga go selo, ga go khutlo e tee, goba mothalatšana o motee, goba e ka ba eng, goba wo monnyane, o tla fetago go molao wola, goba go tšwa Pukung yela, go fihla E phethagaditšwe yohle. Jesu o rile, “Bobedi magodimo le lefase di tla feta, eupša Lentšu la Ka le ka se tsoge la feta.”

146 Le se ke la bea tlhathollo ye e itšego ya sephiri go Lona. O nyaka ya go hlweka, ya go se otswafatšwe, ebile e sego ya go gerema. Nka se nyake mosadimogatša wa ka a gerema le monna tsoko yo mongwe. Gomme ge o eya go theeletša mohuta ofe kapa ofe wa mabaka, ka godimo ga Leo, o theeeditše, o gerema le Sathane. Amene! A ga e le dire le ikwele bodumedi? Modimo o nyaka le dule le sa otswafatšwa. Dulang thwi fao le Lentšu lela. Dulang thwi le Lona. Go lokile.

147 Modimo o tshepišitše go yena, bjalo ka ge A dirile go Efa ka serapeng sa Edene, go Efa yo wa mafelelo fa. Yeo, kereke ya pentecostal, mathomong a kereke, kereke yonamong, ke mmago batho bohle ba ba phelago, gobane, ge feela ba eya ka fale. Eupša, le a bona, ge ba tšea dibe tša gagwe, ba hwa le yena.

148 Moisa yo monnyane šo o a tla. O re, “Ke—ke nyaka go hlankela Modimo.”

149 Ba re, “Gabotse, sese se o se dirago. Eya tlase kua gomme o sokologe.”

“Go lokile, ke tla e dira. Letago go Modimo!” Eya tlase kua, a sokologa.

150 “Bjale etla o re tšoene.” Fao, ke lena bao. Uh-huh. Le a bona? Seo se e hweditše. Huh! Yeo ke nnete, o hwile thwi le yona. Le a bona? Le a bona? Yeo e no ba. . . Seo ke Se Puku ye e se rutago, le a bona, e sego se ke e bolelago. Ka gobane, E a bolela Fa, bjalo. Go lokile.

151 Bjale, Modimo o mo tshepišitše, bjalo ka ge A dirile Efa. O boditše Efa go tla tla nako yeo le—le Lentšu le tla tlogo morago go yena gape. Bjale le elelwa seo? Se a se lobilego, se tla bušetšwa. Ka gobane, go ne Selo se tee feela se ka go bušetša, gomme seo ke Lentšu. Tlwa.

152 Ke rile, thuntšha sethunya; ge o sa itie senepša, hwetša moo se fapogilego. O swanetše go tla morago kua le go thoma gape. Le a bona?

153 Gomme ge o eya morago, o ya Nicaea. Fao ke mo o thomago gape, le a bona. Go ya morago, kgole go tloga go yona mekgatlo,

kgole go tloga go kereke yela yohle. Gomme re be re bona Mahuto a feela ka go phethagala.

154 Ka mehla ke be ke makala, bophelo bjohle bja ka, gobaneng ke be ke le kgahlanong le ditshepedišo tša mokgatlo. E sego batho, aowa. Batho ba no swana le nna goba wena, goba yo mongwe gape. Eupša tshepedišo yela, tshepedišo yela ya kerekeleina, bjale ke e bona thwi mo. Ga se ka ke ka e tseba go fihla bjale. Gomme yeo ke therešo.

155 Modimo o tshepišitše Efa wa semoya, go swana le ge A dirile Efa wa tlhago, gore gape Lentšu le tla bušetšwa go yena. Ka matsatšing a mafelelo O tla bušetša go Kereke, go Lentšu la setlogo gape.

156 Bjale šetšang sekgauswi ka kgonthe. Ke—ke nyaka le be le nnete bjale. Modimo o tshepišitše Efa, nako e tla tla ge Lentšu le tla bušetšwa ka Peu ya gagwe. Lentšu le, Lonamong, le tla ba Peu. Gomme ge ba mo fa kemedi, o swere kemedi yela. Gomme ge Lentšu le etla go yena, o dirile eng? “Ga ke le nyake.” Le be le kokobetše kudu. Ga se la ke la lebega gabotse, go yena. Ga se la nathišwa go lekanela. “Setala? Oo, nna! Nna! Mothaka boka yoo, e sego letšatši ka sekolong? Gabotse, ga se ke kgone go amogela seo. Yoo ga se Mesia. Mothaka o dumeletše mathaka go mo raga ka mokgwa woo, gomme morago a e bitša ‘Mesia’? Ba dumelele ba bee lešela go dikologa sefahlego sa gagwe, morago ba mmetha godimo ga hlogo? Gomme o ipiditše ka boyena Moprofeta, Moprofeta wa nnete, a tsogela godimo?”

157 Gabotse, ba be ba sa tsebe baprofeta. Jesu o boletše bjalo. O rile, “Ge nkabe le tsebile baprofeta, nkabe le Ntsebile.” Yeo ke nnete.

158 Bjale hlokomelang. Eupša ge Lentšu le tllile go yena, ka tsela, feela tlwa ka tsela ye Modimo a rilego Le tla tla; o be a O nagantšhitše ka tsela ye nngwe. Ke bolela ka monyalwa, monyalwa wa Mojuda, monyalwa wa Mohebere. Yoo e be e le Efa, sa mathomo. Ka gona ge E etla ntle mo, o be a sa E nyake. O be a nyaka go dula le dikemedi tša gagwe.

159 Bjale, Modimo o tshepišitše Efa wa semoya, ka Pentecost, o e boletše ebile pele e direga, mengwaga ye makgolonne pele kereke e ka tsoge ya wa, gore ba tla wa, gomme ba tla dira se ba se dirilego. Eupša, O tshepišitše, ka matsatšing a mafelelo O tla romela Lentšu gape.

160 Jesu o boletše selo sa go swana ge A be a le lefaseng; O tla E romela gape. Gomme ke eng . . . E tla hwetša eng? O tla hwetša selo sa go swana seo O se hweditšego ge O etla pele. Nnete. Ba na le . . . Bona, ba nyaka dikemedi tša bona. Ba nyaka kerekeleina ya bona. Ba nyaka dithutotumelo tša bona. Ba nyaka go phela feela ka tsela ye ba nyakago. Gomme ba nyaka, “Gabotse, ke nna *Semangmang*. Ke nna wa *Semangmang*.” Ga go dire phapano ye e itšego se Modimo a se dirago, ke gakaakang A iponagatšago

ka Boyena; A ka kgona go tsoša bahu; O be a ka kgona go bolela diphiri tša dipelo; O be a ka kgona go dira se sengwe le se sengwe se Beibele e boletšego gore O be a tla se dira. Seo ga se dire phapano ye nnyane. “Ge se sa kgomagane le mokgatlo wa ka, ga se selo go Lona.” Le a bona?

¹⁶¹ Selo sa go swana monyalwa yola wa Mohebere a se dirilego, yeo ke nnete, le a bona, ba theeditše kemedi ya bona. Gomme Modimo o ba tshepišitše wa kgonthe. Gomme ge wa kgonthe o etla, ga se ba O nyaka. O be o ikokobeditše kudu.

¹⁶² Bjale ke selo sa go swana lehono, ge—ge O tsoga tiragalong. Bjale, Modimo o rile, ka go Maleaki 4, gore O tla romela Molaetša ka matšatšing a mafelelo, wo o tla bušetšago. Joele o rile, “Ke tla bušetša mengwaga ka moka.” Se sengwe le se sengwe seo Roma e se llogo, le se sengwe le se sengwe Mamethodist ba se llogo, le se sengwe le se sengwe Mabaptist ba se llogo, go tšwa go lekala lela la setlogo la pentecostal, Modimo o rile, “Ke tla bušetša ka go letšatši la mafelelo.” Yeo ke nnete.

¹⁶³ Gomme A ka re romela motho yo bjalo yoo a tla bago. . . Selo se nnoši seo Modimo a kilogo a romela Lentšu la Gagwe e bile go moprofeta, e sego go bampshafatši; go baprofeta. E be e se iri ya yona. Bjale ke. . . go ba iri, gomme ke ka lebaka leo re e šeditšego go tla. E tla ba go kokobela le boleta kudu! Gomme kafao. . . Oo, nna!

¹⁶⁴ Le nagana bona Mamethodist a maemo, Mabaptist, le Presbyterian, Mapentecostal, ba ka tsoge ba e amogela?

“Oo,” le re, “Mapentecostal?”

¹⁶⁵ Mapentecostal ke Laodikia. “Go huma, gomme ga ba hloke selo.”

¹⁶⁶ E rile, “Ga o tsebe gore o modiidi.” O ka no be o aga meago ya dimilione tša ditolaro, eupša o sa ntše o diila, o diila moyeng.

“Oo,” o re, “Ke E bona yohle.”

“O sefofu!”

“Gabotse,” o re, “šegofatša Modimo, ke khupeditšwe.”

“Hlobotše!”

“Gabotse, ka kgonthe ke bašemane ba rena. Re ne diseminari. Re. . .”

¹⁶⁷ “Gomme ga ke e tsebe.” Bjale seo e no ba pele morago. Bjale, ge Beibele e boletše gore Kereke ya Laodikia e tla ba ka go seemo seo. . .

¹⁶⁸ Gomme ga go motho lefaseng a ka ganago gore le ga se lebaka la mafelelo, gobane, Lebaka la Kereke ya Laodikia, goba, lebaka la kereke la bošupa. Gomme, ke rena ba, mengwaga ye dikete tše pedi tša bobedi e a e fetša. Ga go sa na mabaka a kereke. Ke ka baka leo lena baena ba Kgogola Mooko ga se la kgona go thoma mokgatlo wo mongwe. Fao ga go sa ya go ba gape. Yeo ke

nnete. Ke bofelong. Amene. E ka se sa ba mabaka a kereke gape. Go fedile.

169 Eupša ka gona ge molaetša wa pentecostal e be e le molaetša wa mafelelo . . . Yeo, tokafatšo, tlhwekišo, kolobetšo ya Moya wo Mokgethwa, melaetša ye meraro ya mafelelo, mabaka a mararo a kereke a mafelelo a dira Tswalo ya go felela.

170 Go no swana le ge mosadi a na le, a eya go ba le lesea la gagwe; selo sa pele sa nnete se diregago ke meetse, selo se se latelago ke madi, selo se se latelago ke bophelo.

171 Ge ba bolaile Jesu sefapanong, selo sa kgonthe se tšwa mmeleng wa Gagwe, go dira ye mpsha . . . go dira godimo tswa—tswa Tswalo. Ba rathile lehlakore la Gagwe, Madi le meetse a tšwile, gomme, “Ke gafela Moya wa Ka ka diatleng tša Gago.” Se se tšilego go tšwa mmeleng wa Gagwe e be e le meetse, Madi, Moya.

172 Bjale, Johane wa Pele 5:7 e le botša ka seo, “Go ne ba bararo ba ba beago bohlatse Legodimong, Tate, Lentšu (e lego Kriste,) le Moya wo Mokgethwa.” Gomme ba bararo ba ba dumelelana ka go setee; ga se bona batee, eupša ba dumelelana ka go setee. Gomme go ne ba bararo ba ba beago bohlatse . . . Goba, “Ke batee,” ke ra. Ke fošitše kua. “Gomme ba bararo ba ba beago bohlatse lefaseng, ke meetse, Madi, le Moya, gomme ba dumelelana ka go setee.”

173 O ka hlwekišwa ntle le go lokafatšwa. Gomme o ka kgona go lokafatšwa ntle le go hlwekišwa. O ka hlwekišwa ntle le go amogela Moya wo Mokgethwa. Seo ke tlwa.

174 Barutiwa, ka go Johane 17:17, ba hlwekišitšwe le go fiwa maatla go lelekela bodiabolo ntle, eupša go le bjalo ba be a se na le Moya wo Mokgethwa. Le a bona? Nnete. Ba ile ba swanelwa ke go ya godimo go Pentecost, le go leta go fihla Moya wo Mokgethwa o etla.

175 Fao ke mo Judase a laeditšego mebala ya gagwe. Le bona ka fao moya wola o šomilego tsela ya wona ka tokafatšo, tlhwekišo? Eupša ge go etla bofelong, o bontšhitše mebala ya gagwe. Le a bona? Yeo ke nnete.

176 Bjale hlokomelang, bjale, gomme ke rena ba mo nakong ya bofelo. Gomme Efa wa semoya, feela bjalo ka tlha- . . . bjalo ka Efa wa Mohebere a tshepišitšwe, monyalwa wa Mohebere o tshepišitšwe Lentšu go bowa. Gomme monyalwa wa semoya go tšwa Pentecost, ge a wele ka Nicaea, gona o tshepišitšwe ka matšatšing a mafelelo gore Lentšu le tla tla gape. Bjale le re, gona . . .

177 Le nyaka Lengwalo le lengwe, go tšea godimo fa, Kutollo 10. Gomme o rile, “Mo iring, nakong ya mo—mo morongwa wa mafelelo, morongwa wa bošupa (motseta wa bošupa) o thoma go galagatša, sephiri sa Modimo se fedile.” Le a bona? Pušetšo

morago go Lentšu! Beibele e boletše gore motseta yo wa matšatši a mafelelo o tla ba, “Ba bušetše morago go Tumelo ya setlogo gape, morago go Tumelo ya botate.” Eupša a le nagana ba a E amogela? Aowa, mohlomphegi. “Matšatšing a mafelelo, O tla bušetša Lentšu la setlogo gape,” bjalo ka ge A boletše ka go Maleaki 4.

178 Eupša o be a lobile. Bjale, o be a lobišitšwe Lentšu lela ka Nicaea. Efa o lahlegetšwe ka Edene; Efa o ganne la gagwe kua Khalibari. Gomme sehlopha sa Nicaea se Le gana ka matšatšing a mafelelo, go no swana. Nna!

179 Eupša ge Lentšu le tlile ka nameng ya motho, yena, Efa, kereke ya Bahebere, mmago tšohle tša go phela semoyeng nako yeo, o Le ganne. O be a hwile kudu, ka go metlwae ya gagwe le dithutotaelo, go fihla a Le foša. Le yo o bjalo, tlwa. go lokile.

180 Ba a Mo foša, Lentšu le le phelago le bonagatšwa ka nameng, ka Lentšu le le tshephišitšwego. Lentšu le tshephišitše go dira dilo tše. Tshepišo e dirilwe, gore go tla ba ka mokgwa wo ka matšatšing a mafelelo. “Bjalo ka ge go bile ka matšatšing a Sodoma, go tla ba bjalo ka go Tleng ga Morwa wa motho.” Bjale šetšang se se diregilego ka Sodoma. “Bjalo ka ge go bile ka matšatšing a Noage, go tla ba bjalo ka go tleng ga Morwa wa motho.” Le a bona? Šetšang se se diregilego nakong yeo. Le a bona? Bjale, O rile e tla ba selo sa go swana, gomme re phela ka go letšatši leo. Gabotse, gomme go ka ba, ke a thanka, nka hwetša makgolotshela a ditshepišo tša tšona ka mokgwa woo, go tšwa go Lengwalo, di no šupa go yona. Le a bona? Bjale, eupša, ba a Le gana.

181 O swareletše go metlwae le go emela, sebakeng sa—sa . . . O swareletše go madi a kemedi, sebakeng sa Madi a kgonthe. Jesu, Lentšu, o rile, ge Le bonagaditšwe go yena, “Ka gore o swareletše go ditšo tše. . .” Jesu, Lentšu le le bonagaditšwego, o rile go monyalwa, monyalwa wa Mohebere, “Ka gore le swarelela go ditšo tša lena, le dira Lentšu la Modimo ntle le khuetšo e ka ba efe go lena. Le ka se kgone go ba le maatla.”

182 Bjale leo ke lebaka lehono, leo, di—di ditsošetšo tšeo re swanetšego go ba le tšona, re na le ditsošetšo tša kerekeleina. Ga se ra ke ra ba le go hudua ka nnete. Aowa, aowa, aowa. Aowa, mohlomphegi. Le se ke la nagana gore re na le ditsošetšo. Ga re na le. Oo, ba na le dimilione le dimilione le dimilione tša maloko a kereke, eupša e sego tsošetšo kae kapa kae. Aowa. Aowa.

183 Mo—mo Monyalwa ga se a be le tsošetšo le bjale. Le a bona? Fao go be go se tsošetšo fao, go se ponagatšo ya Modimo go šišinya Monyalwa le bjale. Le a bona? Re e lebeletše bjale. Go tla tšea Medumo yela ye šupago ya go se tsebje morago fale, go Mo phafoša gape, le a bona. Ya. O tla e romela. O e tshepišitše. Bjale šetšang.

184 Bjale, o be a—o be a hwile. Gomme bjale ge dikereke di ka lebala dithutotumelo tša tšona, le go lebala dithutotaelo tša tšona, gomme tša no tšea Beibele, tša phophotha bakeng sa tshepišo, gona le tla ba le maatla go tšona. Eupša, le a bona, Jesu o rile, “Lena, ka ditšo tša lena, le dira Lentšu la Modimo le se be le maatla go lena.” Gabotse, seo ke selo sa go swana lehono le Efa wa semoya, le a bona, monyalwa wa semoya wa lehono, yo a bitšwago, kereke. O tšea Lentšu la Modimo, gomme a ka se Le amoge. Gomme o amogela dithutotaelo, sebakeng. Kagona, Lentšu ga le šome go yena, le a bona, ka gore o leka go lahlela thutotumelo ya gagwe le Lentšu, gomme e ka se šome. Bjale, se re se hlokago lehono. . .

185 Ke no tšwelapele go bala ye mo, *Herald of His Coming*, go kgabaganya dihlogo, “Re hloka moprofeta go bowa! Re hloka moprofeta go bowa!” Gomme ke a thanka, ge a bowa, ba ka se tsebe selo ka yona. Feela. . . Yeo ke nnete. Ka mehla go bile ka tsela yeo, le a bona. “Re a e hloka,” se sengwe le se sengwe o bolelago ka sona, “re hloka moprofeta go bowa, yo a tla tlišago Lentšu la Morena, go se fšege. Re a dumela Beibele e e tshepišitše.”

186 Bjale, ke tseba Ngwanešu—Ngwanešu Moore le bona, ba ja ka ntlong ya gagwe, le se sengwe le se sengwe gape, morulaganyi. Gomme ke monna yo mokaonekaone yoo—yoo a sepelago ka go mokgopha wa dieta, ke a thanka, yo mongwe wa baisa ba bakaonekaone. Eupša, le a bona, o a tseba gore re swanetše go ba le seo. Gomme Kgaetšedi Moore, yo mongwe wa basadi ba bakaonekaone, yo monnyane. . . moisa yo monnyane wa go šokiša, gomme ba dira sehlabelo.

187 Gomme yeo ke ye nngwe ya dipampiri tše kaonekaone kudu mo tšhemong, ka kgopolo ya ka, ke *Herald of His Coming*. Eupša o hwetša ntle, ba tšwela pele ba thunya seo, “Re hloka moprofeta! Re hloka moprofeta!” Le a bona? Nna! Seo ke se ba bolelago ka sona.

188 Gomme ka gona ke rena ba, lehono, le go swana le maabane le lehono, re kwalakwatša seyalemoyeng, gore. . . le dikereke tša Baptist le go ya pele, gore, “Ga ra swanela go tšela ka gare le Makatoliki, eupša re mohuta wa go kopanela le bona.” Le a bona?

189 Gomme thwi mo, Molaetša o ya ntle thwi mo, go, “Tlogang go selo sela sa mpholo!” Le a bona? Le a bona? “Ba babedi ba ka sepela mmogo bjang ntle le ge ba kwane?” Seetša le leswiswi di ka se kgone go kopanela mmogo. Ge Seetša se etla ka gare, leswiswi le ya ntle. Le a bona? Se ka se kgone. . . Maatla kudukudu! O ka se kgone go bea Seetša ntle, le leswiswi. Eupša o ka kgona go bea leswiswi ntle, le Seetša. Yeo ke nnete. Gomme Yena ke Seetša, gomme Yena ke Lentšu. Le a bona? Bjale, ke lena bao, thwi go otlologa morago. O ka se kgone go Le dira le aketše

goba go dira e ka ba eng ya phošo. Le tla thwi ka go otlologa morago go lefelo gape. Ee, mohlomphegi.

190 Go no swana le ge mothaka yo mongwe a thoma, go leka go nganga le wena; ge o tseba mo o emego, go tseba se a se dumelago.

191 Go no swana le go tšea mmutla le go mo lokolla ka hokong, gomme o na le lešoba le lengwe le le lengwe le thibilwe. E no ema kgorong; o swanetše go tla morago. Seo ke sohle se lego go yona. O mo ageletše ka gare. Le a bona? O tla swanela go tla thwi morago kgorong gape, ka baka la gore yeo ke tsela e nnoši a ka kgonago go ya ka ntle. O tla hloma hlogo ya gagwe go kgabola *fa*, gomme o nyakile go roba molala wa gagwe; gomme a ya godimo *fale*, godimo *fale*. E no ema gomme o mo šetše, gomme o tla tla thwi morago. Le a bona? Seo ke ka moka.

192 Yeo ke tsela e nnoši go dira. Dulang le Lentšu lela. O ka kgona go thuthupiša gohle go dikologa, ka dithutotumelo tša gago, go no roba molala wa gago mogohle, eupša o swanetše go tla thwi morago go Lentšu le. Le a bona? Ee, mohlomphegi. Yohle ke ya Lona.

193 Bjale, le a bona, ga—ga—ga ba Le nyake. Ga ba nyake Lentšu la Modimo. Ka gore o be a swaretše go metlwae ya gagwe, o be a bolokile Lentšu la Modimo go ba la go hloka maatla.

194 Go swana bjale, go Efa wa semoya. Ga a nyake. . . O nyaka go boloka metlwae ya gagwe, le go ya kgole le Lentšu la Modimo. O swaretše gape go dikerekemaina, le dithutotumelo tša tšona le metlwae ya bagolo ba gagwe, sebakeng sa go tšea Lentšu la Modimo.

195 Gomme ge tshepišo ya Lentšu, ka matšatšing a mafelelo, e tlišwa go yena, a ka se Le amogele, ka gore, le metlwae ya gagwe, go swana le ka mo monyalwa wa Mohebere a dirilego. Lentšu la kgonthe, le ge le bonagatšwa, le netefaditšwe, le hlatsetšwa, a ka se be le Lona. Gobaneng a ka se ke? Gobane go ne mohuta wa gagwe. A ka se kgone go e dira. Yeo ke nnete. A ka se kgone go betha mohuta wa gagwe. Le a bona? Gomme go boleletšwepele o be a tla e dira, kafao o ya go tloga bjang go e ka ba eng?

196 Bjale selo se nnoši go dira e no ba go thaba o ka gare. Ke phetho. E ba go e letela. Go lokile.

197 Modimo o tshepišitše, ka matšatšing a mafelelo, gore O tla bonagatša gomme o tla hlatsela Lentšu la Gagwe go yena, gomme go le bjalo ga se a ke a e dira. Tšohle tšeo, Modimo o mo tshepišitše, ka bahlanka ba Gagwe, baprofeta. Modimo o tshepišitše, ka Jesu Kriste. Modimo o tshepišitše, ka Joele. Modimo o tshepišitše, ka Paulo. Modimo o tshepišitše, ka Maleaki. Johane. . . Modimo o tshepišitše, ka Johane moutolli, bona baprofeta bohle, feela tlwa se Molaetša wa mafelelo o tla bago go yena. Bjale, ge le nyaka go di ngwala fase; nnete, bohle le a di tseba: Jesu, Johane 14:12; le Joele, Joele 2:38; Paulo,

Timotheo wa Bobedi 3; Maleaki, tema ya 4; le Johane moutolli, Kutollo 10, ba motšwamahlalagading ba šupa, yo motee go ba motšwamahlalagading ba šupa. Le a bona, tlwa se se tla diregago bjale! Gomme, go kereke, ke Eng? Lentšu le le nameng le dirilwe nama magareng ga batho ba Gagwe gape! Le a bona? Gomme ba no se Le dumele.

198 Le tseba se Jesu a se boletšego ge A bone O . . . ge A dirile yona mehlolo pele ga bona, le go netefatša gore O be a le Modimo? Go netefaditše seo, se A bego a se dira. O be a le. O be a dirile tlwa. O—O rile go bona, O rile, “Oo, wena, Kaperenaume, yo a phagamišitšwego ka legodimong, ge mediro e ka be e be e . . . mediro ye maatla e dirilwe ka Sodoma, yeo e dirilwego ka go wena, e ka be e sa eme lehono.” Yeo ke nnete. Gomme ka Kaperenaume, ga se nke A dira selo eupša go fodiša batho ba se bakae, le go ba botša diphiri tša dipelo tša bona, le go sepelela ntle. Uh-huh. Yeo ke phetho. Le a bona?

199 Ga ba tsebe se mediro ye maatla e lego. Ba nagana e swanetše go ba lenaneo le legolo le letona moo yo mongwe le yo mongwe a emelago, gomme moahlodi o dira polelo, le—le dipente di bapala, le mebala e fofa, le ba—le basadi ba go apara gabotse, le ba bona . . . le go diega, le tšohle tša Ph.D, tša LL.D, le tše kgolo, tše telele dikefa, le dikholoro tša go retologa go dikologa, le se sengwe le se sengwe, bohle ba swanetše go sepelela ka gare. “Seo ke se sengwe se segolo.”

Modimo o re, “Tšeo ke bošilo.”

200 Gomme O tliša godimo se sengwe se sennyane seo se sa tsebego phapano gare ga mohlomongwe diABC, le gannyane, le go dira se sengwe seo se no go gotetša Kereke ya kgonthe. Gomme ka moka ga bona ba re, “Sehlopha sa bapshikologibakgethwa.” Modimo o bitša *Seo* “se segolo,” gomme lefase le Se bitša “bošilo.” Lefase le bitša *seo* “bogolo,” gomme Modimo o bitša seo “bošilo.” Le a bona, feela pele le morago. Le a bona? Gomme selo se Modimo a se tshepišitšego, Modimo o tla dira gomme o se dirile. Le a bona? Ke rena ba.

201 Bjale, go le bjalo, o dula bjalo ka ge a dirile, Efa wa Bahebere. O be a no se e dire. O ka kgona go tsoša bahu; o ka kgona go bona Moya wa Modimo. Jesu o tllile fase, a itlhatsela ka Boyena go ba Morwa wa Modimo. Sa pele, O thomile go rera. Gabotse, ba naganne, “Gabotse, mohuta wa Moisa wa learogi. Ke Mang, go le bjalo?” Gabotse, selo sa pele le a tseba, batho ba thoma go re . . .

202 Nnete, ba be ba rile, pele, ge pulamadibogo ya Gagwe a etla, Johane, ba rile, “A o Mesia?”

203 O rile, “Aowa. Eupša O eme magareng ga lena felotsoko.” Uh-huh. Le a bona? Gobaneng? O tsebile, ge molaetša wa gagwe o direga, se a bego a tla se dira. O tsebile se a bego a eya go se dira.

204 Feela boka Noage a tšwetšepele a šeditše Henoge. Ge Henoge a ile, Noage o rile, “Bokaone batamelang kgauswi le areka. Nako e batametše.” Noage o tšwetšepele a šeditše Henoge. Le a bona?

205 Gomme Johane o šeditše leswao leo Jesu mmoditšego, goba Modimo a mmoditšego, go le hlokomela. O rile, “O eme thwi mo bjale, felotsoko magareng ga lena. Ga ke Mo tsebe, eupša ke tla Mo tseba.”

206 Ba eme fale, ba rile, “A ga se wena Mesia?” Ba rile, “Re rometšwe go tšwa motsemošate.” Uh-huh. Ba rile, “Bagolo, le bohle, ba re rometše tlase fa. Ge o le Mesia, gobaneng o sa tle godimo le go itira wenamong go tsebja godimo fale, e sego tlase fa ka go sehlopha se sa dilo tlase fa! O swanetše go tla godimo fale le go itira go tsebja wenamong.”

207 O rile, “Ga se nna Mesia.” O rile, “Ke nna segalontšu sa yo a goelago ka lešokeng.”

208 Seo se ile bokgole godimo ga hlogo ya bona ka fao se bego se kgona go ya. Ba be ba sa tsebe selo ka yona, le a bona, gomme go le bjalo bohle ba be ba mo lebeletše go tla. “Eupša e be e ka se kgone go ba mothaka boka yola. Oo, nna, seo se be se tla šiiša!”

“O tšwa sekolong sefe?”

“Ga se gona.”

“A o na le karata ya gago ya kopanelo?”

“Ke eng?” Le a bona?

209 O be a tloiditšwe ke Modimo. O rile, “Go ne selo se tee ke nago le sona. Selepe se beilwe modung wa mohlare.” Bjale, seo ke sohle a—seo ke sohle a bilego le sona. O boletše ka go mareo a monna wa sekgwa, e sego ka go mareo a monna wa moruti; marabe, le dilepe, le mehlare, le go ya pele. Ga—ga se a bolela ka mareo a bokereke.

210 Eupša Jesu o rile ga se nke gwa ba le moprofeta boka yena. “Ga se nke gwa ke gwa ba motho a tswetšwego ke mosadi, boka yena, go fihla letšatšing la gagwe.” Yeo ke nnete. “O be a le go feta moprofeta.” O be a le motseta wa Kgwerano, o eme thwi gare ga ma—ma mabaka a mabedi, a etla ka gare. Le a bona? “Go feta moprofeta.”

211 Gomme kafao gona—gona ba be ba sa mo tsebe. Ga se ba ke ba mo kwešiša. O be a le mohuta wa moisa wa boka learogi, kafao ba mo tlošitše, le a bona.

212 Ka gona ge Jesu a etla, gona, gomme ka nnete o be a sa ye go Mo amogela, Mošemane yo wa mmetli, go be go se selo boka seo, ka leina le leso ka morago ga Gagwe, la “hlaba.” Gomme, Yena, ba be ba sa ye go bona Moisa boka yola.

213 Eupša, eupša lebelelang se Modimo a se dirilego. O tšere ba go se rutege, bašokiši, batheadihlapi, banna ba dikgwa, balemi, bommalegogwana, gomme a tlogela bahlomphegi ba dutše kua.

Gobaneng? Eng? Gobaneng A e dirile? Gobaneng A dirile selo se sebjalo? A le kgona go eleletša? Ka baka la gore bona batho ba Mo lemogile go ba Lentšu. Bjale a re nong go ba hlokomela motsotso feela.

214 Fa go na le motheadihlapi wa kgale wa go hloka tsebo, a ka se kgone go ngwala leina la gagwe. Beibele e rile o be a “hloka šedi le go se rutege.” O tliša hlapi ya gagwe godimo gomme a e bea fase. O ya tlase kua gomme o bona se lešata le lohle le lego ka sona. Eupša tlasetlase botebong ka go yena, o tsebile gore Beibele e boletše gore Mesia . . . Bahebere bohle ba be ba lebeletše Mesia, gobane go be go swanetše go ba selo sa Lengwalo se direga ge A etla.

215 Go bile bomesia ba bantši, ba phagamile gomme ba rile, “Ke nna Yena,” gomme ba ba arošitše, ka makgolo, le—le go senyega le se sengwe le se sengwe. Eupša, le a bona, seo e be e le go lahla kgole yo Motee wa kgonthe ge O etla.

216 Re bile le diaparo tša Eliya le dijase, le se sengwe le se sengwe selo se sengwe, eupša seo—seo—seo—seo se no ba go lahla selo sa kgonthe ge a etla. Le a bona? Yeo ke nnete. Yohle mehuta ya batho ba ba aperego dikobo le diaparo, gomme ba bolokilwe ka go mehuta yohle ya dikgwa e tlile tikologong, le se sengwe le se sengwe gape. Seo ga se . . . Seo—seo se no hlatsela. Go swana le tolara ya bofora, go laetša gore fao go na le ye botse felotsoko, ge o ka no kgona go e hwetša. Le a bona?

217 Kafao šo O a tla. Bjale bahlomphegi ba ba tla ntle, gomme ba be ba le go kemedi ya bona! “Gobaneng,” ba rile, “bjale, ge Mesia a etla, ka kgonthe O tla tla go Kayafa. O tla tla go kerekeleina ya rena. O tla tla go Bafarisei.” Basadutsei, “Seo ke se o se naganago! O tla tla go Basadutsei.” Gomme ba be ba le fao, le a bona, selo sa go swana ba nago le sona lehono, bjale.

218 Eupša ge A etla, go be go tla. O tla tla, oo, kgahlanong kudu le se ba se gopotšego, eupša O tla go ya ka Lentšu. Gomme ba be ba sa tsebe Lentšu.

219 A ke bolele seo, ka kgonthe, gore le tla . . . se tla nwelela tsela fase. Ke nyaka se go se hwetša. Seo ke se e lego bothata ka lena lehono, le a bona, ga le tsebe Lentšu! Le a bona?

220 Jesu o rile, “Le kgona go hlatha sefahlego sa mafaufau, eupša maswao a nako ga le kgone go a hlatha.”

Ba rile, “Re na le Moshe.”

221 Kafao, o rile, “Ge nkabe le tsebile Moshe, nkabe le Ntsebile.” Ba be ba sa tsebe Moshe, gomme ka fao ba be ba sa tsebe. Ba be ba no tseba thutotumelo ye ba e phaphašitšego.

222 Bjale a re tšeeng motheadihlapi yo wa kgale yo. O bea ntlatlana ya gagwe fase. A šušulela maledu a gagwe a mapududu fase, gomme a sepelela fase, “Ke a dumela ke tla bona Yo a lego.”

223 Ngwanešu o rile, “Etle pele. A re ye tlase fa.” O rile, “Yoo ke Mothaka yola wa go swana. Yoo ke Mothaka yola ba boletšego letšatši le lengwe. . . Ke dutše bošego bjohle le Yena bošegong bja go feta. Le tseba Johane, ke bego ke bolela le lena ka yena?”

224 “Ya, monna yola wa lebelete tlase kua! Ya, ke kwele ka ga yena.” “Gabotse,” Simone wa kgale, le a tseba, o rile, “Ke kwele ka ga yena tlase fale. Ya, ke be ke le tlase kua, dikgwedi tše pedi goba tše tharo tša go feta, tlase kua. Ya.”

225 “Gabotse, o rile. . . Gomme letšatši le lengwe o be a eme fale, o boletše selo sa go aroga. O rile, ‘O a tseba, šo O a tla thwi bjale!’ Ba rile, ‘O tseba bjang?’ Ba lebeletše godimo kua; e no ba Moisa wa mehlang a eme kua. O rile, ‘Ke bona Moya wa Modimo, boka leeba, o etla fase. Ke kwa Segalontšu se re, “Yo ke Yena. Yo ke Morwa moratwa wa Ka Yo Ke kgahlwago ke go dula ka go yena.”’ Nako yeo o sepeletše thwi ka meetseng gomme a Mo kolobetša, go ya pele. Gabotse, fao, o rile o Mo tsebile.”

226 “Oo, ga ke tsebe,” Simone o rile. “Ke kwele tšohle tša tšeo, makga a mantši.” Eupša šo o tla godimo. Eupša tlase ka pelong ya gagwe go be go le peu ye e kgethetšwegopele. Le a bona? Jesu o boletše bjalo. Nnete. O sepelela godimo go Yena. O sepelela godimo. O rile, “Ke tla ya tlase kopanong gomme ka bona.” O sepelela godimo kua.

227 Jesu o be a eme fale, feela Moisa yo monnyane wa setlwaedi. A sepelela godimo. A re, “Ka baka la eng, leina la gago ke Simone. Gomme leina la tatago e be e le Jona.” Seo se mo phohlišitše. Gobaneng? Ye nnyane yela, peu ya Bophelo bjo Bosafelego e rathile ka kua. Ee, mohlomphegi.

228 O rile, “Ema motsotso! Seo se bjang? Ga se nke wa ke wa mpona. Ešita Wena ga se wa ke wa tseba tate wa ka, ka baka la gore o be a hwile lebaka la mengwaga. Eupša mo O a tla, o mpotša seo? Bjale, ke a tseba gore Beibele e re. . .” Bjale, seo ga se go ya morago go se mogolo a se bolelago. “Eupša Beibele e boletše gore Mesia o tla ba Moprofeta. Yena šole. Yoo ke Yena.”

229 Letšatši le lengwe O fetile go kgabola Samaria, a eya tlase go kgabola kua le sehlopha sa Bajuda. O ba tlogetše. Gomme yo monnyane yo, mosadi wa tumo ye mpe o tllile ntle, mohlomongwe mohumagadi yo monnyane yo mobotse, le a tseba. Gomme o be a ntšheditšwe ntle mokgotheng, bjalo ka segotlane. Gomme o be a eya go kgabola kua. Mohlomongwe o be a nagana ka se sengwe. O sepeletše godimo kua gomme a bea pakete fase. Gomme a thoma go theošetša sego tlase, le a tseba, a ga meetse. Gomme o kwele Monna a re, “Nlišetše seno.” O lebeletše go dikologa, gomme fale go dutše mohuta wa Mojuda wa mengwaga ya magareng.

230 O rile, “E re, a Wena ga o Mojuda? Ga wa swanela go dira seo. Ga se setlwaedi go Wena go bolela le nna. Ke nna Mosamaria.”

231 O rile, “Eupša ge o tseba Yo o bolelago le yena, o be o tla tliša. . . o be o tla Nkgopela go go fa seno.”

232 O rile, “Pakete ya Gago e kae?” Le a bona? “Le kae lenti la Gago?”

“Gabotse,” O rile, “Meetse ao Ke a fago ke Bophelo.”

233 “Eng?” Le a bona? “Gobaneng,” o rile, “gobaneng, lena bohle le nyaka go rapela ka Jerusalema. Gomme botatawešo ba rapetše. . .”

234 “Oo,” O rile, “yeo ke nnete, eupša,” o rile, “rena Bajuda re tseba se re se rapelago. Eupša,” o rile, “o a tseba, nako e etla ge—ge batho ba ka se rapele ka Jerusalema goba ka thabeng ye.” O rile, “Ba—ba ya go rapela Modimo ka Moya, gobane Yena ke Moya, Moya le Therešo.” Gabotse, o thomile go ithuta, le a tseba.

Gomme O rile, “Sepela o tšee monnamogatša wa gago gomme le tle mo.”

O rile, “Monnamogatša wa ka? Ga ke ne monna e ka ba ofe.”

235 “Gobaneng,” o rile, “yeo ke therešo.” O rile, o rile, “O be o kitima tikologong ka ba bahlano, gomme o na le wa boselela bjale.” Gomme o rile, “O bile le ba bahlano. Gomme—gomme, o, o a tseba. O boletše therešo.”

236 Šetšang! E be e le eng? Seetša sela se rathile peu yela. E be e robetše fale, seo se boletšwego ke Modimo. Ee, mohlomphegi.

237 Peu e be e le lefaseng. Ge Modimo a tlošitše meetse go tloga, gomme letšatši la e itia, ya tla godimo. Yeo ke nnete. Le a bona? Seo ke sohle se e se hlokilego, e bile letšatši. Go no hloka seetša. Ee, mohlomphegi.

238 Gomme ka gona ge Moya wo Mokgethwa, ka go Yena, tlošitše bophelo bja gagwe bja go feta, gomme wa bo laetša go yena, Seetša sela se ile sa bo ratha. O rile, “Mohlomphegi, ke a bona O Moprofeta.” O rile, “Bjale, re a tseba, ke a e tseba, gore ge Mesia a etla, seo ke se A yago go ba sona. Gomme ga se ra ke ra ba le moprofeta lebaka la makgolo a mengwaga. Ga se ra ke ra ba le moprofeta wa therešo, lebaka la makgolo a mengwaga.” Gomme o rile, “O mpotša bjang ka monnamogatša wa ka, gomme o mpoitše ke ba bakae ke bilego le bona, le go ya pele. Gobaneng,” o rile, “Ga ke kwešiše se.” O rile, “Ge Mesia a etla, gabotse, O ya go dira seo. Eupša Wena o Mang?”

O rile, “Ke nna Yena.”

Yeo e be e le yona. Le a bona? Seotswa!

239 Gomme baprista ba lebeletše go dikologa gomme ba rile. . . Gabotse, ba swanetše go arabela go phuthego ya bona. Ba rile, “Le se ke la šilofala le moisa yola. O—o swerwe ke diabololo. Yeo ke phetho.” Bjale, yeo ke phapano. Seo ke selo sa go swana lehono. Le a bona? Selo sa go swana lehono, se betha feela tlwa. Ya. Ee, mohlomphegi.

240 O, o e tsebile, ka gobane Seetša se E rathile. Bona ba-. . . Bona batheahlapi, banna ba dikgwa, balemi, bakoloki ba

motšhelo, bommalegogwana, ba bone ka go Yena se Mangwalo a bonolo a rilego O tla se dira. Gomme Bafarisei ga se ba kgona go bona, ka lebaka la motlwae wa bona . . . ? . . . Ga se ba ke ba kgona go bona, ka baka la metlwae ya bona. Eupša mmalegogwana, balemi, le bona bohle, ba O bone, bohle bao ba kgethetšwegopele. Ge dipelaelo di tokološeditšwe kgole, peu e ile go gola. Yeo ke nnete.

²⁴¹ O dirile eng? O rile, “Gabotse, ke thakgetše ke kopane le Mesia”? Oo, aowa, ngwanešu. Thwi ka toropongkgolo o ile. O lebetše ka meetse. O rile, “Etlang, bonang Monna Yo a mponditšego dilo tše ke di dirilego. A se ga se sona selo seo Lengwalo le rego Mesia o ya go se dira? A se ga se tlwa sela?” Gomme batho ba kgonne go bona selo sela sa go swana.

²⁴² Bjalo ka ge Jesu Kriste a boletše, ka go Mokgethwa Johane 14:12, e tla direga gape. O e boletše gape ka go Luka, ge A rile, “Bjalo ka ge go bile ka matsatšing a Noage.” Ka fao Modimo a iponagatša ka Boyena ka go Monna, le go bolela gore ke mang yo a bego a le ka morago ga Gagwe; le se Sarah a se dirilego, a sega ka tenteng. Gomme Mangwalo a ohle, a Maleaki, le go ya pele, a akanyeditšwepele mo matsatšing a mafelelo. Bahebere 4 e rile, ge “Lentšu” le etla morago. Maleaki 4 e rile Le tla bowa morago ka motho. Bahebere 4 e rile, “Lentšu la Modimo le hlatha dikgopolo tšeo di lego ka pelong.”

²⁴³ Gomme ba kgona go e bona e dirwa, le go sepela thwi go tloga go yona. Metlwae ya bona e a e uta le go e dira go hloka maatla. Gabotse, re no ba fa. Ke phetho. Uh-huh.

²⁴⁴ Le a tseba, A ka kgona go dira selo sa go swana lehono. O tla tla thwi go lefelotiragalo le go tšweletša dilo tša go swana A di dirilego nako yela, bjalo ka ge A boletše O tla dira. Le a bona? O tshepišitše go e dira. O tshepišitše go e dira. Gomme ge A ka dira selo sa go swana, motseta wa Laodikia o swanetše go e dira.

²⁴⁵ Gomme ka gona ge kereke ya Laodikia e bona e dirwa, ba tla dira feela tlwa boka kereke ya Bahebere e dirile mo mathomong. Um-hum. Ga go kgathale O hlatseditšwe gabotse bjang, oo, ba tla e dira, go le bjalo. Oo, nna!

²⁴⁶ Bjale, Le bolela gore e tla dira. Re tla boela go Lentšu la setlogo, le go dirwa go bonagatšwa bjalo ka ge le tshepišitšwe, go bušetša gape Tumelo, Tumelo ya setlogo, gape. Gomme ge A itirile ka Boyena go tsebja gore O be a dula magareng ga batho ba Gagwe, ka go dira dilo tše; O kgonne ebile le go ba le senepe sa Gagwe se tšerwe, ka saense go e netefatša. Gomme go le bjalo ga ba e dumele. Gomme go netefaditšwe, go dira leihlo la motšhene la khamera le Mo sware a eme fale, yona Pilara yela ya Mollo ya go swana, ya go swana maabane, lehono, le go ya go ile, Bahebere 13:8, go laetša gore ke—ke sesaense, le tsela ye nngwe le ye nngwe gape, ka sesaense ka go dikgao tša semoya. Ka tsela ye nngwe le ye nngwe e—e ka kgonago go hlatselwa, e hlatsetšwe.

247 Gomme, le a tseba, go molaleng ba tla dira selo sa go swana. Ka kgonagalo ba tla no sepela thwi gomme ba dira selo sa go swana bjalo ka ge ba dirile.

248 Oo, Modimo re thuše! Oo! Re tla no ema fa. Eupša, Modimo re thuše go bona bjale, thapelo ya ka, ge re etla bjale. Gobane, ga ke nyake go le swarelela thari kudu. Modimo a re thuše go bona. Ke a dumela mohlomongwe, Moya godimo ga rena, o tla ba thwi bjale gore O tla re thuša go utolla, go bula Lehuto le.

249 A re baleng. Bjalo ka ge re bona seemo se kereke e lego ka go sona, re bona mo e bilego, re bone se ba se dirilego, re bone fao e bego e swanetše go tla, re e bona fao, le go bona seo ba bego ba swanetše go se dira. Ba dirile feela seo. Bjale le bona moo re lego? Dirang go ahlola. Nka se kgone go ahlola. Ke no ba le boikarabelo go tliša Lentšu le. Feela bjalo ka ge Le filwe go nna, nka kgona go Le fa. Go fihla Le filwe go nn, nka se kgone go Le fa; ga go yo mongwe gape a ka kgonago.

Gomme ge a butše lehuto la boraro, ke kwele sebata sa boraro se re, Tlaa gomme o bone. Gomme ka bona, gomme bonang pere ye ntsho; gomme yo a bego a dutše godimo ga yona o be a swere seelaboima ka seatleng sa gagwe.

Gomme ke kwele se segalontšu ka magareng ga diphedi tše nne se re, Leselwana la korong ke peni, gomme maselwana a mararo a bali ke peni; eupša o bone o se senye oli le . . . beine.

250 Bjale, Kwana e na le Puku ka seatleng sa Gagwe, e kgaola Mahuto. O kgaotše la pele, la bobedi, gomme bjale O kgaola la boraro. Gomme ge A le kgaola, Kwana e a le kgaola, Lehuto la Boraro, Sebata sa boraro . . .

251 Bjale ke ba bakae ba tsebago Sebata sa boraro se be se swana le eng? Se be se lebega bjalo ka monna. Sa pele se be se lebega bjalo ka tau; se sengwe se be se lebega bjalo ka namane, goba pholo; gomme sa boraro se bonagetše boka motho, e be e le motho. Gomme o kwele se—se Sebopiwa sa go phela, se—se Sebata. Sebopiwa sa go phela, go swana le monna, se rile go Johane, “Etna, o bone se Se se lego sona, sephiri se se bego se utilwe.” Gohle go theoga go kgabola mengwaga ya topollo, ge e sa le motheong wa lefase, Se be se utilwe ka tlase ga Lehuto le, se se yago go direga. Bjale, “Etna, lebelela se Se lego sona.”

252 Gomme kafao O a Le bula. Medumo e a thuthupiša, gomme Kwana e bula Mahuto.

253 Bjale, gomme Johane o sepeletše godimo, go bona se Le tla bago. O bone eng? O bone pere ye ntsho. Gomme monamedi wa gagwe o be a ne seelaboima, goba dikadi, ka seatleng sa gagwe. Bjale, seo ke selo sa pele a se bonego. Ge Kwana e Le tsebišitše, e kgaotše Lehuto, nako yeo Sebata se sengwe . . . Le a bona, tšona Dibata di a neeletšana, ka go bega, “Etna, o bone.”

Gomme Johane, moo a bego a eme, mohlomongwe ka mokgwa wo, o sepelela godimo fa, ge Kwana e butše, le go sepelela godimo. Ka mehla . . .

²⁵⁴ Modumo o a ratha, bjalo ka ge re bone Lehuto la Pele. Gomme o šetša go bona se se diregago. Gomme o bona monna a etla, pele, godimo ga pere ye tšhweu. O mo šeditše a namela go theoga. Gomme go theoga go kgabola, Johane o mmona thwi go fihla bofelong. O mmona a etla fase, pere ya gagwe ye tšhweu, o ne bora ka seatleng sa gagwe, gomme mo—mo monamedi o ne, gomme ga a ne metsi le bjona. Gomme selo sa go latela a se bonago, o hwetša mphaphahlogo, o otlela thwi go ya pele go kgabola.

²⁵⁵ Ka gona re hwetša, ka gona, Kwana, mo e tla gape, O bula le lengwe. Gomme o a lebelela. Bjale mo go tla pere ye—ye khubedu. Monna yo o na le tšhoša ka seatleng sa gagwe. O otlela thwi go theoga go kgabola Lengwalo, le a bona, ka tšhoša ye ka seatleng sa gagwe, gomme o be a swanetše go bolaya le go tšea khutšo go tloga lefaseng.

²⁵⁶ Bjale Kwana e bula Lehuto le lengwe. Se Sengwe sa Dibopiwa tše di phelago, bjalo ka monna, se rile, “Etlela, o bone.” Bjale o sepelela godimo, go bona se se lego. Gomme ge a dira, fao go tla monamedi godimo ga pere ye ntsho.

²⁵⁷ Bjale, bošegong bja go feta, re hweditše gore monamedi wa go swana yoo a otletšego pere ye tšhweu o be a le wa go swana godimo ga ye khubedu.

²⁵⁸ Gomme Segalontšu se rile, ka bogareng bja Dibata, se goleditše, le a bona. Fao, go tla go bona se e bego e le sona: O be a le ka go Dibopiwa tše di phelago. Gomme o bone pere ye ntsho ye.

Gomme ge . . . se segalontšu ka magareng ga diphedi tše nne se goleditš, Leselwana la korong ke peni, gomme—gomme maselwana a mararo a bali ke peni; eupša le bone gore le se gobatše o—o oli le morara. (Le a bona?)

²⁵⁹ Monamedi yo, a re mo ahlaahleng. Ge le ka hlokomela monamedi wa mathomo, yo a bego a le. Gomme re hweditše, bošegong bja go feta, ka Mangwalo, gore monamedi wa bobedi o be a le monna wa go swana tlwa, feela o be a le godimo ga pere ye nngwe. Go diregile eng? O fetotše bodiredi bja gagwe. Le a bona? Nnete. Re hwetša gore o be a le molwalekriste, gomme o be a fetotše maemo a gagwe.

²⁶⁰ Re hweditše gore ge a, sa pele, e be e no ba pere ye tšhweu, o bile thuto. Bjale, re tšere ye nngwe le ye nngwe ya tše thwi morago ka Mangwalong. Le a bona?

²⁶¹ Bjale, šetšang moo re lego, bošegong bjo, gore lebaka le lengwe la kereke bjale. Le a bona? Re tla tlase go lebaka la kereke

la boraro bjale. Le a bona? Feela tlwa go lebaka la kereke la boraro, e no ba tlwa boka pere ya boraro. Le a bona?

262 Bjale, lebaka la mathomo la kereke, e be e le eng? Banikolaite ba bile le thuto, le a bona, feela la mathomo. Go lokile. Gomme ka gona, selo sa pele re a tseba, thuto ye ya Banikolaite, e ile ya hlwekišwa gomme e be e nepile, e ile ka tiragalong. Gomme ba rwešitše moisa yo mphaphahlogo. Morago, moya wo, molwalekriste, o tlile wa apara nama ka mothong. Le a bona? Gomme re hwetša, moragwana, o ba diabolo yo a aparego nama, le yena; letimone le a tloga, gomme diabolo o tla ka gare.

263 Gomme feela bjalo ka ge kereke yela e le mohuta wola, kereke ya molwalekriste, e tšwelapele; kafao Monyalwa o tlile mmogo ka dilo tša go fapana: go kgabola tokafatšo, tlhwekišo, kolobetšo ya Moya wo Mokgethwa, le go sepelela pele thwi, le a bona, feela ka mogwa woo. Feela, ba tšere tsošetšo ya bona pele, gomme Kereke e e tšea mafelelong. Mengwaga ya bona ya mathomo ye meraro. . . magato a mararo a mathomo a bona ba ba ilego go kgabola lebaka la leswiswi; morago la boraro, magato a mararo, go tla Kereke ntle; go tloga go tokafatšo, tlhwekišo, kolobetšo ya Moya wo Mokgethwa, ka nameng Modimo o dirilwe go bonagala magareng ga rena. Šo o tla ka gare, bjalo ka molwalekriste, bjalo ka moprofeta wa maaka, morago sebata, morago ka go lebaka la leswiswi. Gomme Kereke e tšwa go lebaka lela la leswiswi; tokafatšo, tlhwekišo, kolobetšo ya Moya wo Mokgethwa, Lentšu le apere nama, tsela bjale. Gomme o ya tlase. Uh-huh. Le bona seo? O ya tlase. Kereke e a rotoga. Le a bona? E no ba go phethagala ka mo e kgonago go ba. Oo, ke mo gobotse. Ke no e rata.

264 Monamedi yo ke wa go swana, eupša legato le lengwe la bodiredi bja gagwe.

265 Legato la pele, pere ye tšhweu, le a bona, o be a no ba morutiši, feela morutiši wa molwalekriste. O be a le kgahlanong le Lentšu la Modimo.

266 Gomme bjale o ka kgona bjang go ba molwalekriste? Mang kapa mang yo a ganago gore Lentšu le lengwe le le lengwe la ye ga se therešo, le go rutwa go no swana, ke molwalekriste, ka gore ba gana le—le—le—le Lentšu. Gomme Yena ke Lentšu.

267 Bjale, legato la pele, pere ye tšhweu, o be a no ba morutiši, eupša moya wa molwalekriste ka go thuto ya ona le boleng bja ona. O be o le go hloka molato. O be o sa kgone go gobatša selo, go bonala o ka re; o no ya pele. Ke ka tsela yeo Sathane a tlogo ka gare. Oo, ke nonyana ya go thelela.

268 O boditše Efa, o rile, “Bjale, o a tseba o lebeletše bakeng sa bohlae. Ga o tsebe se se lokilego le sa phošo.” O rile, “Bjale, ge mahlo a gago a ponyologile, o tla tseba ke eng.” Gomme o rile, “Kenywa e a kgahliša. E lokile. E—e a kgahliša go leihlo. O

swanetše go e tšea bjale. Ga o tsebe ge eba ke yona, goba aowa, a o a dira?”

“Aowa, ga ke dire. Eupša Modimo o rile e se ke ya dirwa.”

“Eupša, oo, gabotse, ke a tseba, eupša . . .”

“Modimo o rile O . . . re tla hwa.”

269 O rile, “Ka nnete A ka se dire seo.” Le a bona, feela bose ka mo go ka gabo. Lebelelang se e se dirilego.

270 Šetšang moya wo wa molwalekriste o tsoga magareng ga kereke ya pele, thuto ya Banikolaite. *Nikao*, “go fenya” maloko, go dira monna yo mokgethwa. Oo, e no ba feela baen- . . . “Gabotse, re no nyaka kopanelo. Gobaneng, le šwalalane ntle fa; ga a gona a tsebago moo go sego motho a lego. Ke nagana bohle re swanetše go ba le mokgatlo le go no fapana. Le a bona, re a ya, go ipea renabeng mmogo. Re swanetše go dira lefelo la marobalo go tšwa go yona.” Gomme seo ke se e lego sona. Ga go na selo sebjalo bjalo ka Kereke ya Bokriste ya Methodist. Yeo ga se Kereke; yeo ke lefelo la marobalo. Baptist, yeo ga se Kereke; ke lefelo la marobalo.

271 Go na le Kereke e tee feela, gomme yeo ke Mmele wa sephiri wa Jesu Kriste. Gomme o tswalelwa ka go Woo, yeo ke nnete, ka kgethelopele. Yeo ke nnete. “Bohle Tate a Mphilego ba tla tla. Ga go motho a ka tlogo ntle le ge Tate a mmitša. Gomme bohle A Mphilego, ba tla tla go Nna.” Kafao, yeo, yeo ke yona. O no . . .

272 Kwana e dula fale, e dira—e dira poelano, go fihla ya mafelelo e etla ka gare. Pele ye nnyane e a lla, gomme o sepelela ntle gomme o tšea lefa la Gagwe nako yeo, le a bona, seo ke ka moka; o tliša Kereke ya Gagwe Gae, balatedi ba Gagwe. Gomme o lahlela lenaba la Gagwe ka Letsheng la Mollo, le balatedi bohle ba gagwe ba ya ka kua le yena, gomme yeo ke yona. Ka gona re sepelela ntle ka Mileniamo.

273 Monamedi wa go swana, bjale. Legato le la pele, o be a se ne molato. Gomme sa bobedi, bjale, ge o ile godingwana nthatana gannyane, gannyane go feta fao; legato la bobedi, Beibele e rile o tla “fiwa mphaphahlogo.” Gomme ba rwešitše monna mphaphahlogo, monna wa godimodimo. Le a bona, ba mo rwešitše mphaphahlogo! Gomme, ka gona, Beibele ga se ya mmitša mopapa. Beibele e mmiditše “moprofeta wa maaka.” Gobaneng? Ya. Ka nnete, o swanetše go ba moprofeeta wa maaka, ka moya wa gagwe wa molwalekriste, woo o rutilego molwalekriste kgahlanong le Lentšu la setlogo. Ka gore, ge a rutile kgahlanong le Lentšu la setlogo, e be e le molwalekriste. E be e le. Gomme Lentšu ke Modimo, le a bona, Kriste. Go lokile. Bjale, ka morago ga fao, re mo hwetša nako yeo a rwešwa mphaphahlogo. Gomme ge a rwešitšwe mphaphahlogo, bjale, ga a ne molato kudu le go hloka thušo. O no ba moisa yo monnyane.

274 Eupša ka gona ka go Khansele ya Nicaea, o ile a e dirwa, gomme Constantine o ile a mo fa phahlo yohle. Gomme ka gona o dirile eng? Ka gona o, le a bona, Sathane, o mo fa terone le maatlataolo a gagwe. Beibele e boletše bjalo, bjalo ka ge re ile go e kgabola.

275 Bjale, selo sa go latela re se hwetšago, gore diabololo o laola dipolitiki tšohle tšeo di kilego tša ba gona goba di tla tsogego di bile. Re hwetša gore ka go Mateo 4:11. Gomme bjale re hwetša, gona, gore Sathane o šetše a bile le dipolitiki.

276 Eupša o leka go hwetša Kereke, kafao o ya tlase go E fora. O hwetša monna wa gagwe wa godimodimo, o mo šoma ka go mokgatlo, gomme o mo rwešitše mphaphahlogo “moemalegatong,” le a bona, kriste. Kriste o dirile legatong la Modimo. Le a bona, mothaka yo ke moemalegato, legatong la Modimo. Le a bona? Go no swana, “bakeng sa Modimo,” se a swanetšego go ba, moemalegatong ka tlase ga Kriste.

277 Bjale, bjale, ge a dirile seo, gona o dirile eng nako yeo? Yena, Sathane, o tšere maatla a gagwe a sepolitiki, ao a bego a šetše a fedile, gomme o tšere maatla a bodumedi, ao a šetšego a rwešitšwe mphaphahlogo, gomme a a bea mmogo.

278 Gomme ka gona o mo dirile mphaphahlogo wo mongwe godimo ga hele. Gomme bona ba ba fetilego, ge ba ka patela tšhelete ya go lekanela, o tla ba ntšhetša ntle. Le a bona? Kafao bjale ke—ke moemalegatong godimo ga Legodimo, godimo ga phekatore, bjalo ka ge a nyaka go e bitša. Ga go selo se sebjalo ka Beibeleng, le a bona, eupša o ile a swanela go dira se sengwe. Beibele e boletše gore e tlile go tšwa sekoting sa go hloka bofase, gomme e boela morago ka tsela ye e swanago. Gomme, lefaseng, mmuši!

279 Bjale o be a filwe eng nako yeo? Sa pele, o be a ne bora, eupša o be a se ne mosebe wo itšego. Eupša bjale o na le tšhoša ye maatla ka seatleng sa gagwe. A ka kgona go dira se sengwe bjale. Ka gona o tabogile go tloga go pere ya gagwe ye tšhweu; pere ye tšhweu e kgathela pele ntle. Bjale o harallela eng? Pere ye khubedu, madi, pere ye khubedu ya madi. Ka kgonthe o namela yeo. Oo, kgonthe. Bjale o fiwa maatla a magolo le tšhoša ye kgolo, go bolaya, morago o namela pere ya gagwe ye khubedu ya madi.

280 Re a bona, go tšwa go Lehuto la Bobedi, le le kgaotšwego bošego bja go feta, o tšere khutšo go tloga lefaseng gomme ba bolayane seng sa bona. Gomme bohwelatumelo bja gagwe mong, bja kereke ya Katoliki ya Roma, bo laetša gore ba bolaile Maprotestant a milione tše masometshela seswai, go tloga nakong ya Mokgethwa Hippo wa . . . ka morago ga Mokgethwa Augustine wa Hippo, go fihla makgolo a lesometlhano le masomeseswai le metšo. “Dimilione tše masometshela seswai.” *Mpshafatšo ye Kgolo* ya Schmucker, ge le nyaka go e bala, *Mpshafatšo ya Letago*, a ke re, le a bona. Bjale, dimilione tše

masometshela seswai di ngwadilwe go bahwelatumelo! Ge yo mongwe wa bakgethwa ba bona ba ba bitšwago a hweditše kutollo gore e ka ba mang yoo a ganetšanego le kereke ya Roma o be a swanetše go bjalo ka lehlanya, seo se be se ba bea tikologong nako yeo. Šaatenana, o ile go tšholla madi! O—o tabogetše godimo ga ya gagwe ye tšhweu per- . . . , goba, pere ya gagwe ye khubedu, gomme o ile go katiša. Oo!

²⁸¹ Bjale maatla a gagwe a magolo a a tla. O dirilwe moemalegato wa Legodimo, le go rapelwa bjalo ka Modimo. Mmuši wa lefase, ka go kopanya kereke le mmušo mmogo, go mo dirile mmušo lefaseng; a mo fa mphaphahlogo godimo ga seo. A ka kgona go rapelela disulo go phekatori. A ka kgona gape go boe- . . . O be a no ba bjalo ka Modimo, lefaseng, sebakeng sa Modimo. Mmogo, o be a na le maatla a magolo go bolaya mang kapa mang a bego a sa dumelelane le taelo ya gagwe. Ke mang yo a yago go bolela eng kapa eng go yena? Kereke e ka se bolele selo; ke yena hlogo ya yona. Naga ga e kgone go bolela selo; ke yona hlogo ya yona. Kafao, ba hwile ka dimilione. Tšona dikereke tše nnyane tšohle, ngwanešu, di ile tša hlaselwa, le go bolawa le go gagarwa, le go fepša go ditau, le se sengwe le se sengwe gape. Le a bona? “Terakoni,” Roma, “e mo fa setulo sa gagwe le maatlataolo.” Beibele e boletše bjalo. Le a bona? Kafao o nametše ya gagwe ya go kaiwa, pere ye khubedu go kgabola madi a motho, go fihla e eba pere ye khubedu.

²⁸² Bjale Johane o mmona godimo ga pere ye ntsho. O fetogile, se sengwe gape.

²⁸³ Bjale ke swanetše go—go bolela se feela ka tsela ye se tlilego go nna. Gomme ka gona gomme ge eba go etla go nna gomme ga se gwa ke gwa bapela le Mangwalo ohle, gona Modimo ga se a ke a e fa. Le a bona, Mangwalo a swanetše go, le lengwe le le lengwe le tee, e no ba se tee se segolo se segolo—se segolo selo sa go swana le seo. Lengwalo le swanetše go dumelelane le Lengwalo. Gomme eng kapa eng e lego kgahlanong le Lengwalo. . . Ge Morongwa yola wa Morena a mpoditše e ka ba eng seo se bego se se ka Lengwalo, ke be nka se Mo dumele. Le a bona?

²⁸⁴ Ke rile, kua ka Chicago letšatši le lengwe, ge bohle bona makgolo a badiredi. . . A go be go le yo mongwe fale kopanong yela? Kgonthe. Kopano yela ka Chicago, ke rile, “Bjale, lena bohle le bolela ka lena le swere. . . Le naganne le be le phetlaganya nna ka fa, go se sengwe.” Go nyakile go swana le ge go le ka kamoreng ye bjale. Ke rile, “Ke eng? Le na le yona kgahlanong le nna.” Ke rile, “Moya wo Mokgethwa o ntaeditše, mašego a mararo a go feta, moo yo mongwe le yo mongwe wa lena a tla bago. Gomme re ka se be ka go yeo. . . Botšišang Carl fa ge e se nnete.”

²⁸⁵ Gomme go be go le Hank le bohle ba bona, “Yeo ke nnete.” Lena bohle le be le le fao go kwa.

286 Ke rile, “Bjale le na le kgahlanong le nna, ka Thuto ya ka. Seo ke se e lego taba. Bjale ke nyaka yo mongwe wa lena go tla mo, le go hwetša Beibele ya lena le go ema hleng le nna, le go E phegiše.” E be e le sehlopha sa setu o kilego wa se kwa. Ke rile, “Bothata ke eng ka lena?” Ke rile, “Gona, ge o tseba o ka se kgone go ema kgahlanong le Lentšu, gona tloga nkgomeleng morago. Lena Dingaka tša Bokgethwa le se sengwe le se sengwe, le go bolela ka fao, o itsebiša ka bowena bjalo ka ‘Ngaka,’ ‘Ngaka,’ ‘Ngaka.’ Gomme nna ke . . .” (Oo, Ngwanešu Wood le nna re re “tšhitšheka,” goba, “lenakaletala.”) “Ga ke na le thuto, ga se ka tsoge ka tla go kgabola seminari e ka ba efe goba sekolo. Eupša o hwetša Beibele ya gago gomme wa tla mo gomme wa ema lehlakoreng la ka, wa ganetše peu ya sephente, kolobetšo Leineng la Jesu, goba ye e ka ba efe ya dilo tšeo ke di rutago.” Ga go yo a boletšego lentšu. Bohle le tseba seo. Seo e bile sehlopha sa go homola kudu o kilego wa se bona.

287 Le a bona, ba no popoduma bjalo ka ge ke sa tsebe eng. Bjale, bjale še yona. Ga ke dumele go kgakgana le batho, eupša ge go etla go lefelo moo ba lekago go le gogela ka go yona. Gomme nkabe ke se ka ya, eupša Moya wo Mokgethwa o mpoeditše, o rile, “Eya godimo kua. Ke tla ema hleng le wena.”

288 Ba boditše, matšatši a mararo goba a mane pele ga nako. Lena bohle le be le le fale gomme le kwele Mna. Carlson le bona, le—le Tommy Hicks. Gomme bohle ba bona ba dutše fale. Gomme ke ile, matšatši a mararo pele, gomme ke rile, “O ya go swanela go khansela lefelo lela.”

289 E be e le bošego bja ledimo. Ke be ke na le kopano. O rile, “Eya, ema lefastereng lela, go lebatlile le lennyane lela la boraro fale.” Gomme ke ile kua le go ema thwi ka kua. Ke lebeletše ntle ka mokgwa woo.

290 O rile, “Ba na le molaba o beetšwe wena. Ba ya go go kgopela go bolela kua go Ministerial Association of Greater Chicago.” O rile, “Ba na le molaba wo o beetšwego wena, ka thuto ya gago ya Lentšu la Ka.”

291 O rile, “Bjale, ba ya go khansela go tloga lefelong lela godimo kua. Ga ba ye go le hwetša. Gomme ba ya go fihla lefelong, moo e lego tsothwa.” O rile, “Še e a lebega.” Ke eme, gomme ke ipone nnamong mo khoneng; ke lebeletše morago fale gomme ke bone. Ke ba bone bohle fale. Ke bone bona badiredi bohle ba dutše fale, ka tsela ye ba bego ba le. Ke ba lebeletše gohlegohle. Gomme O rile. . .

292 “Oo,” ke naganne, “bokaone ke se ye godimo fale gona, Morena, ge eba ba ya go dira seo. Ga ke nyake go gobatša maikutlo a bona goba go dira e ka ba eng ya phošo.”

O rile, “Sepela. Ke tla ema hleng le wena.” O dirile. Yeo ke nnete.

293 Bjale, lena bohle, go ne dihlatse thwi fa, le be le dutše thwi fale le go tseba seo ke therešo. Yeo ke nnete. Gabotse, le na le ditheipi mo, gape. Eupša, ke lena bao, le a bona.

294 Bjale, bjale sephiri sa se sese. Gomme bjale, Sona, ge Se utolotšwe go nna ka pela mosong wo, pele ga seetša sa letšatši. Ka gona ke ile ka pela go Lengwalo gomme ka thoma go lebelela, go le puruputša. Le be le le fao. Tše tharo tša tšona, bokgole bjo, di utolotšwe ka go felela, ka godimo ga tlhago. Ya. Bjale sephiri sa pere ye ntsho sese, go ya ka se se utolotšwego go nna.

295 O thomile go mo namela ka nako ya mabaka a leswiswi. Seo ke se pere ya leswiswi e se emetšego, mabaka a leswiswi, ka gore e be e le nako ya bošegogare go badumedi ba therešo ba ba bego ba šetše. Šetšang bjale ka go lebaka lela la kereke, lebaka lela la magareng la kereke, lebaka la kereke la leswiswi. Šetšang ka fao A rego, “Le no ba le maatla a mannyane.” E be e le bošegogare go bona, bakeng sa modumedi wa therešo. Bjale šetšang. Ka kgonagalo kholofelo yohle e be e tšerwe go tloga go Kereke ya therešo, gobane moisa yo o be a laola bobedi kereke le mmušo. Ba ya go dira eng? Le a bona, Bokatoliki bo tšere taolo, bobedi kereke le mmušo. Gomme bohle, ba bego ba sa dumelelane le Bokatoliki, ba bolailwe. Ke ka lebaka leo a bego a le go pere ye ntsho. Gomme šetšang a selo sa leswiswi a se dirilego, le a bona, gona le kgona go bona. Gomme le no . . . Ge le tseba histori ya lena, e hlokomeleng, gona le tla . . . Gabotse, ebile o ka se swanele go e tseba, go—go tseba Se. Bjale šetšang. Kholofelo yohle e be e ile. Yeo ke pere ya gagwe ye ntsho.

Bjale, o nametše pere ya gagwe ye tšhweu, mahlajana.

296 Morago o ile a fiwa maatla; o tšere khutšo, a gagara dimilione. Seo ke se a bego a eya go se dira ge a be a otlela go ya pele go kgabola. Gomme o sa e dira. Le a bona?

297 Bjale, šo yena godimo ga pere ya gagwe ye ntsho bjale, o tla pele. Lebaka la leswiswi, leo e be e le nako yeo. Feela e ka ba ka nako ka morago ga ge kereke e hlomilwe, le go tseba maatleng, ba kgameletše se sengwe le se sengwe gape. Gomme o ile go kgabola, e ka ba, makgolo le makgolo le makgolo a mengwaga, ke se mmadi yo mongwe le yo mongwe a se tsebago bjalo ka mabaka a leswiswi. Ke ba bakae ba tsebago seo? Nnete, mabaka a leswiswi. Pere ya gago ya leswiswi šele, e emela lebaka lela la leswiswi. Bjale, dikholofelo tšohle di ile; ga go kholofelo le gatee. Se sengwe le se sengwe se be se lebelelega boso, go badumedi ba bannyane. Bjale, ke ka baka leo e bitšwago, e emetšwe, pere ya leswiswi.

298 “Dielaboima tša gagwe, goba dikala tša gagwe, ka seatleng sa gagwe,” le a bona. Go biletša ntle, “Leselwana la korong ke peni, gomme maselwana a mararo a bali ke peni.” Le a bona, gabotse, ke gore, korong le bali ke mphago wa tlhago wa bophelo. Ke seo borotho le dilo di dirilwego go tšwa go sona. Eupša, le a

bona, o be a lefiša se. Se go se rago, gore, o be a lefiša balatedi ba gagwe bakeng sa mohuta wa kholofelo ya bophelo yeo a bego a e romela go bona, ka go dira . . . O thomile ka go yona nako yeo, go ba dira ba patele bakeng sa dithapelo, a lefiša bakeng sa thapelo. Ba sa e dira; dinobena.

²⁹⁹ Ka gore, o be a dira eng? A swere lehumo la lefase. Sekala, go ela, “Leselwana la korong ke peni; maselwana a mararo a bali ke peni.” Monamedi godimo ga pere ye ntsho, le a bona, o be a dira . . . a amoga balatedi ba gagwe tšhelete ya bona. Ge, Beibele e bolelelapele gore o swere, e ka ba, lehumo la lefase. Bjalo ka ge re boletše bošego bja go feta ka Russia, le tšohle tšeo, ba no tšea tšhelete yohle le go no hlobola batho thososo bakeng sa se sengwe le se sengwe ba nago, se sengwe le se sengwe. Kafao, ke lena bao.

³⁰⁰ Bjale hlokomelang. Le bona moo go tšewago ga tšhelete gola ga kgale, ka kerekeng, go tšwago gona? Tlogang go dilo tšeo; go aga mokgatlo, selo se segolo, ditolaro tše milione fa. Gomme—gomme le bona se mmago yona e lego?

³⁰¹ Ke a Go leboga, Morena. Oo, nna! Ke thakgetše kudu. Ee, mohlomphegi. Go lokile. E bile mogau wa Gagwe. Yeo ke phetho. Go lokile. Go lokile.

³⁰² E be e le nako ya gare ga bošego. A le kwešiša seo bjale? [Phuthego e re, “Amene.”—Mor.] Gomme šo o lefiša mohuta wa bophelo, woo ke bali le dilo tša gagwe, tša tlhago; e be e se tša semoya, bjale. E be e le bali, le a bona, kafao, gomme borotho bja bali le borotho bja korong. O be a lefiša mohuta woo wa bophelo bjo a bego a bo fa balatedi ba gagwe. Go lefiša bakeng sa thapelo ke baprista, go rapelela batho go tšwa ka phekatori. Go lefiša! Bjale ke tšea se thwi go tšwa go histori. Go lefiša bakeng sa, ke a thanka, ke nobena, ke a thanka, se e . . . yo mongwe le yo mongwe mo o tseba se e . . . Nobena, ke a thanka seo ke se sengwe o swanetšego go se dira, le a tseba, go ikotla go gongwe. Yo mongwe o swanetše go lefiša bakeng sa seo. Go tliša lehumo la lefase go yena, go ya ka go yenamong, ka go kereke yonamong. Gomme o sa nametše. Oo, nnete o gona. Ee, mohlomphegi. O sa katiša!

³⁰³ Hlokomelang. Karolo ye botse še bjale. Hlokomelang.

. . . *bona* gore o *se senye* beine ye le oli.

³⁰⁴ “Feela nthatana ye nnyane ya Ona e šetšego fao, eupša le se kgwathe Woo!”

³⁰⁵ Bjale, oli ke . . . e swantšha Moya, Moya wo Mokgethwa. Ke tla le fa ditemana di se kae ge le nyaka. Go na le Mangwalo a mabedi. Ka go Lefitiko, 8:12, moo Arone, pele a eya ka gare, o be a swanetše go tlotšwa ka oli, le a tseba. Gomme ka go Sakaria 4:12, ya oli e etla, e tšhologa go kgabola diphaephe, gomme e rile, “Wo ke Moya wa Ka, Oli.” Selo se sengwe, ge le nyaka go bona Mateo, 14 . . . 25, go bile kgarebe ya setlaela, goba 25:3, kgarebe

ya setlaela ga se e be le Oli, ga go Moya. Gomme Mateo 25:4, kgarebe ye bohlae e bile le Oli ka leboneng la gagwe, e tladišwe ka Moya. Moya! Oli e kaya Moya. Oo, letago! Go lokile. Le a e hwetša? [Phuthego e re, “Amene.”—Mor.] Go lokile. Bjale, oli e kaya Moya.

³⁰⁶ Gomme beine e swantšha tutuetšo ya kutollo. Oo, ke—ke rata go kitima gohle godimo ga lefelo. Ke a makala ga se ka ke ka tsoša boagišane, ge Morena a mpontšhitše seo, le a bona, “tutuetšo ya kutollo.” Le a bona?

³⁰⁷ Oli le beine, ka Beibeleng, di amana mmogo, ka mehla. Ke na le tlhalošantšu gomme ke lebeletše. Go na le molokoloko wa tšona, woo boka—boka *woo*, moo beine le oli di yago mmogo, nako yohle. Le a bona?

³⁰⁸ Ge Therešo ya Lentšu la Modimo le le tshepišitšwego e utollotšwe ka therešo go bakgethwa ba Gagwe ba ba tladišwego ka Oli, ba tla tutuetšega. Beine ka setutuetši. Letago! Ke ikwela Wona gonabjale. Go tutuetšwa ka thabo, dikgoeletšo! Le a bona? Gomme, ge O dira, O na le khuetšo ya go swana godimo ga bona yeo—yeo beine e dirago godimo ga monna wa tlhago. Gobane, ge kutollo e filwe, ya Therešo ya Modimo, gomme modumedi wa therešo a tladišwe ka Oli, gomme kutollo e utolotšwe, tutuetšo e ba ye kgolo kudu go fihla e Mo dira a itshware yenamung go se be sekeng. Nnete. Letago! Le a bona, seo ke se e lego bothata ka bona bjale. Yeo ke nnete, go ba dira ba itshware bonabeng go se swane.

³⁰⁹ Bjale, ge le nyaka Lengwalo bakeng sa se, nno thomang go bala Ditiro 2. Ba kae? Ba bile le tshepišo yeo ba e filwego. Ge tshepišo yohle ya Moya wo Mokgethwa e be e tšholletšwe ntle go bona. Gomme e be e le . . . E be e hlatsetšwe ka Mangwalo. Bjale, le a bona, le . . .

³¹⁰ Go ka reng ge nkabe ba rile . . . “Bjale, emang, O re boditše go leta fa bakeng sa bodiredi bja rena.” Gomme ka morago ga matšatši a seswai, ba tla re, “Gabotse, ke tla le botša, bašemane,” Mareka o rile go Mateo, “Ke—ke a dumela re šetše re O hweditše, baisesa. A ga le nagane bjalo? Le a bona, re šetše re O hweditše. Ge re sa letile go bodiredi bja rena bjale, re swanetše go no ya pele ntle, re rera. O re boditše go tla godimo mo le go leta, gomme le ke matšatši a seswai re bego re le mo.”

“Gabotse, a re leteleng le lengwe.”

³¹¹ Matšatši a senyane a a tla. Ka gona Mareka o tla go dikologa, goba—goba—goba mohlomongwe yo mongwe wa ka moka ga bona, Johane, o rile, “Ke—ke—ke a dumela ga ra swanela go leta botlelele bjo bo itšego. Ke a dumela re šetše re O hweditše. A ga le?”

³¹² Ka gona ke kgona go bona Simone, ka gore o be a swere dinotlelo, le a tseba. “Bjale emang motsotso, bašemane! Lengwalo le na le se sengwe go bolela ka se. Ga se nke A re botša

feela ke matsatši a makae go leta. O rile, 'Le dule fale go fihlela! Le dula fao go fihla seprofeto sa Joele se etla go phethagala, go fihla seprofeto sa Jesaya se hlatselwa.'"

313 "Gobane ka dipounama tša go kekeretša le ka maleme a mangwe Ke tla bolela le batho ba. Gomme ye ke go lapološa." Ye ke beine ye e tšhollelwago ntle. Beine ke eng, ka Beibeleng? Dilapološi. "Ye ke dilapološi tše di tšwago Bogoneng bja Morena." Le a bona? E—e swanetše go ba Lengwalo bjale. Le a bona?

314 Kafao, le a bona, beine e emela tutuetšo ya kutollo. Gomme ge Moya wo Mokgethwa o wele, gomme ba bone Mollo wa Modimo o wela godimo ga bona, nna, woo o thomago go ba tutuetša. Gomme selo sa pele le a tseba, ba ile ba tutuešwa kudu go fihla batho gabotse ba naganne ba be ba tagilwe, eupša ba be ba tutueditšwe ke kutollo. Ke wa Modimo . . . Yona še! Kutollo ye e hlatsetšwego ya Modimo, e dirilwe go ba pepeneneng go bona, ba be ba thabile ka Yona. Modimo o e tshepišitše. Mo e utollotšwe go bona, le go hlatselwa go bona. Amene! Mo go be go le monna a eme kua, a re, "Ye ke Yela! Ye ke Yona!" Gomme Le be le le fao, le hlatselwa ke leswao le le swanago le re nago nalo lehono. Fao go—fao go na le tutuetšo ka kutollo. Le a bona? Gomme, bjale, ka nnete ba bile le Yona nako yeo.

315 Ke ka baka leo Petro a kgonneggo go tšwela ntle kua, le go re, "Gobaneng, lena banna ba Judea, le lena ba le dulago ka Jerusalema, nthetšeng. Lena bohle Dingaka tša Bokgethwa, theetšang se ke yago go le botša, le a bona."

316 Oo, go makatša bjang! E utolotšwe! E utolotšwe! Ba ile ba tutuetšega kudu ge ba e bone e hlatselwa. Seo ka mehla se no dira seo. Ka mehla se a dira.

317 Ge ke bona gore Modimo o tshepišitše go dira selo se se itšego mo letšatšing le, ge A tshepišitše go kgaola Mahuto a ka go letšatši le la mafelelo! Gomme ga le tsebe thabo, letago, ge ke Mmone a utolla se, ke ema kua gomme ke se bogela se direga! Gomme ke a tseba gore ke tla tšea motho e ka ba mang, go laela: Yena ga se a ke a bolela selo se tee go rena eupša se se diregilego ka tsela yeo. Gomme ka gona go bona thabo ye e lego ka pelong ya ka, ge ke bona tshepišo ya Gagwe bakeng sa matsatši a a mafelelo, bjalo ka ge A tshepišitše go e dira. Gomme mo ke e bona e hlatselwa le go dirwa ka go phethagala gabotse. Ke no ba . . . Le nkwa ke re, "Ke ikwela bodumedi." Seo ke se e lego taba. tutuetšo e gampe kudu, ke—ke—ke no—no kgauswi le go ba komana go ya go ripa, le a tseba. Tutuetšo, go tšwa go kutollo! Go lokile.

318 Ba tutuetšega kudu, godimo ga ku—ku kutollo, gore ba hlatseditše, go lokile, tshepišo. Bjale, oo, nna! Fale go tšwile lethabo la tutuetšo, go fihla batho ba rile, "Ba tagilwe ka beine

ye mpsha,” ge Modimo a utolotše tshepišo ya Gagwe go bona. Gomme O be a sa e utolle feela, eupša O e netefaditše.

319 Seo ke se ka mehla ke se boletšego. Motho a ka bolela e ka ba eng, ya, a ka no goeletša go bolela e ka ba eng; eupša ge Modimo a etla go dikologa le go hlatsela seo!

320 Bjale, Beibele e rile, “Ge go na le yo motee magareng ga lena, yo a tleimago go ba wa moya goba moprofeta, ge a bolela dilo tše gomme tša se phethagale, gona le se mo fe šedi. Le se mmoifeng, le gannyane. Le se ke la boifa monna yoo. Eupša ge a e bolela gomme ya tla go phethega; yoo ke Nna, le a bona. Nna, Ke ka go seo. Seo se netefatša se e lego Nna.”

321 Gomme, ka gona, mosadi yo monnyane yola wa Mosamaria. Ge Lengwalo le boletše gore Mesia yo o tla dira dilo tše, gomme šo O eme le go e dira feela tlwa se Lengwalo le se boletšego. O rile, “Šole Yena. Etlang, bonang Monna! A seo ga se tlwa selo seo Lengwalo le rilego se tla direga?” Le a bona, o ile a tutuetšega ka kutollo. A ke nnete? O ile a tutuetšega ka kutollo, ge e be e hlatselwa. Le a bona? Yeo ke nnete. O tsebile gore go be go le . . .

322 “Re a tseba gore Mesia o etla, Yo a bitšwago Kriste. Gomme ge A etla, O tla dira dilo tše.” O e bone.

Gomme Yena a re, “Ke nna Yena.”

323 Nako yeo tutuetšo e thomile. Gomme o ile a tloga, a goelesa, le go theoga go kgabola toropokgolo. O tlogetše pitša ya gagwe ya kgale ya meetse, gomme a ya tlase kua, gomme a re go banna, “Etlang, le bone!”

324 Bjale, ge feela le ka be le tsebile ditšo tša Bohlabela, seo ke phošo go yena go dira seo. Ee, mohlomphegi. Mosadi wa mohuta woo, ga go yo a bego a ka mo theetša. Aowa, mohlomphegi. Le a bona, o be a na le mmaraka, gomme ge a . . . Ge a ka ya go theoga mokgotha ka mokgwa woo, le go dira ka mokgwa woo, banna ba mokgotha ga ba mo fe šedi.

325 Eupša, ngwanešu, o be a na le Lentšu la Bophelo fao! O be a tutueditšwe. O be o kgona . . . Go be go swana le go leka go tima ntlo, ye e swago, ka letšatši la phefo. Oo, go na le se sengwe se o butšwetšago! O be a—o be a loketše. Ee. Ga se ba ke ba kgona go tima Woo. Woo e be e le Mollo wa Modimo o tuka. Ee, mohlomphegi. O rile, “Ge le sa e dumele bjalo, e nong go tla godimo fa moo kopano e kगतlampanago. Ke tla e bontšha go lena.” Ya. Yeo ke yona. Ya. Ee, mohlomphegi.

326 Gomme kafao banna ba ile ntle fale. Gomme ga se A e dira nako ye nngwe gape. Eupša ba tsebile se sengwe se be se diregile go mosadi yola. O be a fetogile, kafao ba Mo dumetše. Ee, mohlomphegi. Ba dumetše go Yena.

327 Ka gobane, “Tumelo e tla ka go kwa, go kwa tshepišo ya Modimo, Lentšu la Modimo, gomme Le šetše le dirilwe kgontho.” Ka gore, Ke peu. Gomme ge Le bjetšwe, Le tla tšea Bophelo. Le

tla tšweletša feela se Le bolelago ka sona. Ge e sa dire, gona ga se Peu ya Modimo. Goba, mobjadi o be a sa tsebe mokgwa wa go E bjala; O be a se a romelwa ke Modimo, go bjala Dipeu. A ka no be a Di bjala ka godimo ga leswika goba se sengwe. Le a bona? Kafao le—kafao le a bona, mobjadi a bjala Peu, Modimo o a E hlokomela, E wela ka lefelong la maleba, le a bona. Oo, nna!

328 Gona Le reng go monamedi yo ka boso? “O se gobatše beine ya Ka le Oli ya Ka! O se E kgwathe, beine ya Ka le Oli! Ke na le feela nthatana ye nnyane ya Lona tlase kua, eupša go sa le nthatana ye nnyane kua. Ya. Bjale o ka kgona go ya pele go kgabola le go ela ntle mohuta wohle wa bophelo bjo o bo beago ntle; go tšwa go wena. O ya go e lefela tlase fale. Eupša ge o etla go putla beine yela le Oli, o E tlogele e nnoši!” Oo, nna! Ge le ka kgona, ge le . . .

329 Ka mantšu a mangwe, ka mokgwa wo, “Ge le ka swara ye nngwe ya Mohlape wa Ka wo monnyane, wo o tladišwego ka Oli le beine ya Ka, le a bona, beine le Oli ya Lentšu la go seka, le a bona, gomme o ya go ba bolaya. Ka gore, wena, o a e dira. Seo ke se o se dirago. O se ke wa ba gapeletša go bolela e ka ba ‘Dumela Maria,’ goba go dira e ka ba eng boka seo, goba tše dingwe tša dithutotumelo tša gago. Tloša diatla tša gago go tloga go bona. Ba tseba mo ba yago, ka gore ba tloditšwe ka Oli ya Ka. Gomme ka go tlotšwa ka Oli ya Ka, ba na le beine ya thabo, ka gore ba tseba Lentšu la Ka la tshepišo, ‘Ke ya go ba tsoša gape.’ Le se gobatše Seo! Le se ye go leka go ba hlakahlakanya. Gobane, e nong go ya kgole le Yona. Aowa.” Yohle . . .

330 O hlatsela Lentšu la Gagwe le go Le tliša ka gare. Ba tsebile. Ba tsebile ba tla tsoga gape. Oo, ke rata seo bjang! Fše! Ba tla tsoga gape. Pere ye ntsho še e a tla, e a kata bjale, mabaka a leswiswi.

331 Pere ye tšhweu e ile fale; re bone se e se dirilego, ka phethagalo. Pere ye khubedu še e a tla; re bona tlwa se a se dirilego. Pere ye ntsho še. Le a bona, ke monamedi wa go swana nako yohle, se a se dirago, thwi go theoga go kgabola mabaka.

332 Bjale re hwetša, o e etše ntle le go e lefiša, tlwa: korong, tlhago, bophelo bja tlhago. Ke se ba bego ba phela ka sona.

333 Eupša, go swantšha; Moya, Oli; le thabo ya beine. “Bophelo bjola bja semoya, o se ke wa gobatša Bjo. Bo tlogele bo nnoši!” Go sego bjalo, “Roma, o se ke wa Bo kgwatha! Ke bja Ka! Bjo ke bja Ka!”

334 Bjale ke na le selo se sengwe mo ke nyakago le se tseba. Hlokomelang, e be e se ye nngwe ya Dibata tše nne yeo e rilego, “Le se kgwathe Oli le beine.” A le lemogile seo? Dibata tše nne di be di bolela, eupša . . . Šetšang, a nke ke no bala fa, feela gannyane nthatana, le a bona, bjale.

. . . *ela*, peni, *bakeng sa—bakeng sa . . . korong ke peni, le maselwana a mararo a bali ke peni; gomme o bone gore o se senya beine le . . . oli.*

335 Bjale theetšang fa.

Gomme ke—gomme ke kwele segalontšu ka magareng ga dibata tše nne . . .

336 E be e le eng Yona? Kwana! Amene! E be e se Dibata tše nne. Kwana e e boletše. Gobaneng? O ya go tšea ba Gagwe Mong. Bao ke ba Gagwe. O e lopolotše. Le a bona? Amene! “O se kgwathe Oli yela!” Aowa, mohlomphegi. E sego Dibata tše nne, eupša Kwana e bile Yona yeo e boletšego. Gomme, oo, nna! Kwana! E sego . . . Dibata tše nne ga se tša bega se. Kwana e boletše, ka Boyona.

337 Ge Dibata tše nne di rile, “Etla gomme o bone,” gomme di ile, gomme di e bone ka mokgwa woo.

338 Gomme O rile, “Leselwana la korong ke peni, gomme bakeng sa mane les- . . . gomme bontši bjalo boka *le*, gomme bali ye ntši bjalo.” Eupša nako yeo Kwana e goeditše ntle, thwi magareng ga bona, e rile, “Eupša le se ke la gobatša beine le Oli!” Uh-huh. Yeo ke nnete. Oo, nna! Se theetšeng, “Le se ke la E gobatša, šaatena, goba le ya go e lefela letšatši le lengwe.” Oo, nna!

Senyane masometharo.

339 Gabotse, go bokaonekaone bja kwešišo ya ka, le bokaonekaone bjoo ke tsebago ka bjona, le ka tšohle tšeo ke dumelago ka pelong ya ka, yeo ke tlhalošo ya therešo ya Mahuto a mararo ale. Ke nyaka go leboga Modimo bakeng sa yona. Gomme ke tla bolela se, gore, ke kutollo ye A mphago. O mphile yeo, kutollo ya Yona. Gomme ke a dumela gore re phela ka matšatšing a mafelelo.

340 Gosasa bošego re tla tšea monamedi yola wa pere ye tshehla. Gomme bjale ga ke tsebe. Ga ke tsebe. Modimo o a tseba seo ke therešo. Ga ke tsebe selo se tee ka yona. Aowa.

341 Ke lebeletše godimo kgwekgwe ya ka ya kgale ke bilego le yona mengwaga ya go feta. Ke bone Ngwanešu Graham Snelling nakwana ya go feta; a ka no ba a ile ntle. Eupša, ga elelwa ge ke be ke rera mo, pele. Ke lebeletše godimo go bona se ke se boletšego mengwaga ya go feta. Letšatši le lengwe ke be ke eya go kgabola Puku ya Kutollo, ke tšere banamedi bohle ba bane ba pere ka nako e tee.

342 Ke rile, “Pere ye tšhweu, yeo e be e le kereke ya pele, ga go pelaelo.” Ke badile yeo go tšwa go puku ya Maadventist. Gomme ke badile se sengwe fale. Ke rile, “Yeo e bile kereke ya pele yeo e ilego pele, e fenya.” Gomme ya go latela e be e le pere ye ntsho, ke rile. . . Ke a lebala bjale se ke biditšego pere ye ntsho yela. Ke rile. . .

343 Goba, “Pere ye khubedu,” a ke re, ke rile, “pere yela ka kgonagalo e be e era gore—gore bothata bo tseleng, gomme go ya

go ra bontši bja dintwa go ya go lekelela godimo, goba se sengwe boka seo.” Ke rile, “Mohlomongwe go tla ba ntwā ye ntši.” Ke rile, “Seo ke se se tla bago.” Gomme ka gona ke rile, “Ye—ye tshehla per- . . .”

344 Goba, “Pe—pe pere ye ntsho,” ke rile, “yeo—yeo e ra gore—gore mohlomongwe go tla tla nako ye ntsho lefaseng, ge dinaledi tšohle di tla—di tla tlogela go phadima; letšatši le tla ya tlase, gomme ngwedi o ka se fe seetša sa ona.” Ke rile, “Seo ka kgonagalo ke se seo se se rago.”

345 Ke rile, “Pere ye tshehla, go ra bontši bja bolwetši bo etla godimo.” Bjale, ga ke tsebe se e se rago. Eupša, yeo ke, yeo e bile tlhathollo ya ka ya yona nako yeo, gobane ke nno e tšea bokaone bjo ke kgonnego, ke eme fa mo phuluphithing.

346 Eupša, oo, ke nyakile go bolela se sengwe! Go lokile. Hmm! Oo! Le tla—le tla bona. E nong go šetša, le a bona.

347 Bjale, oo, a ga re thakgale bakeng sa iri ye re phelago! Ge re bona selo se sohle se etla godimo, ke a ganana:

Ditšhaba di a thubega, Israele e a tsoga,
Maswao ao bapofeta ba a boleletšegopele;
Matšatši a Bantle a badilwe, ka tšhitišo ya
letšhogo;
“Boang, O bašwalalanywa, gabō lena beng.”

Letšatši la topollo le kgauswi,
Dipelo tša batho di palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo, topollo ya lena e kgauswi!
(Oo, nna!)

Bapofeta ba maaka ba aketša, ba gana
Therešo ya Modimo,
Gore Jesu Kriste ke Modimo wa rena;

A le a Le dumela?

Eupša re tla sepela moo baapostola ba gatilego.

Ka gore letšatši la topollo le kgauswi,
Pelo ya batho e palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo, topollo ya lena e kgauswi!

348 A seo ga se makatše? Ke rata seo. Topollo e kgauswi.

Gomme go tla ba Seetša nakong ya mantšiboa,
Tsela ya go ya Letagong nnete le tla e hwetša;

Ka tseleng ya meetse, ke Seetša lehono;
 Re bolokilwe Leineng le bohlokwa la Jesu.
 Baswa le batšofe, sokologang go tšwa sebeng
 sohle sa lena,
 Moya wo Mokgethwa ka nnete o tla tsena ka
 gare;
 Seetša sa mantšiboa se tlile,
 Ke ntlha gore Modimo le Kriste ke Batee.

Yena ke Lentšu! Oo, nna! Go a makatša!

Ka pela Kwana e tla tšea Monyalwa wa Gagwe
 go ba ka mehla ka lehlakoreng la Gagwe,
 Ohle makoko a Legodimo a tla kgobokana;
 Oo, e tla ba ponagalo ya letago, bakgethwa
 bohle ka bošweung bja go hloka sepatso;
 Gomme le Jesu ba tla keteka ka Gosafelego.

Oo, “Etlang gomme le je,” Mong o a bitša,
 “Etlang gomme le je;”

Oo, le ka no keteka mo tafoleng ya Jesu nako
 yohle;

Yo a fepilego lešaba, a fetola meetse go ba
 beine,

Go ba swerwego ke tlala o a bitša bjale,
 “Etlang gomme le je.”

Oo, “Etlang gomme le je,” Mong o a bitša,
 “Etlang gomme le je;” (Jang go Lentšu!)

O ka no keteka mo tafoleng ya Jesu nako yohle;
 Yo a fepilego lešaba, a fetola meetse go ba
 beine,

Go ba swerwego ke tlala o a bitša bjale,
 “Etlang gomme le je.”

³⁴⁹ Oo, nna! A le swerwe ke tlala? “Ba lehlogonolo ke ba ba swerwego ke tlala le lenyora la toko.”

³⁵⁰ A le a Mo rata? A le a Mo rata? Sekgonyo sa *Ke A Mo Rata*, le a tseba. A re nong bohle go ema bjale, gomme re phagamiše diatla tša rena godimo le go itlhagiša renabeng go Yena. “Ke a Mo rata, ke a Mo rata gobane O nthatile pele.” Go lokile, bohle mmogo bjale.

Ke a Mo rata, ke a Mo rata
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.

³⁵¹ [Ngwanešu o bolela ka leleme le lengwe—Mor.] Feela ka kgonthe tlhomphokgolo. Re na le mohlatholli mo, Ngwanešu Higginbotham. Ga ke tsebe ge a le mo bošegong bjo, goba aowa. Re nyaka, go hwetša se A se boletšego go rena. E no leta motsotso. Mo, mo. . . [Kgaetšedi o fa tlhathollo.]

³⁵² Nnete, tumišang Morena! Tumelo ya ka e phagamišeditšwe godimo ka go Modimo. Lena, le a Mo rata, bošegong bjo, ka pelo ya lena yohle? Oo, Mo tumiše, gomme o re, “Ke a Go leboga, Morena Jesu!”

³⁵³ Re Go fa tumišo bjang, ka dipelo tšohle tša rena, Morena! Letago go Modimo!

³⁵⁴ Nno Mo fang tumišo, lena batho bohle. Modimo a be le lena!



LEHUTO LA BORARO NST63-0320

(The Third Seal)

SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Matšhe 20, 1963, ka Tabarenekeleng ya Branham ka Jeffersonville, Indiana, U.S.A, o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org